



EX LIBRIS  
LUCIANI DE CONTAGNET  
CANONICI.

1428

13/10/20



B R E V E

DIRECTORIVM AD CONFESSARIUM AC CONFITENTIS munus recte ob-  
eundum, concin-  
natum

PER M. IOANNEM POLAN-  
cum Theologum Societatis  
IESV.

Et ab eodem multis in locis recognitum.



*DILING AE*

*Exceñdebat SEBALDVS MAYER.*

M. D. LXXVI

Bx  
2264  
PGS  
1576  
JESUIT-  
ANA

# AD LECTOREM.

**I**Nter cætera pietatis officia, in quibus Societas Iesu pro data sibi à diuina liberalitate gratiæ mensura, versari solet, illud sanè audiendarum confessionum, quod ad iuuandam hominū salutem imprimis est necessarium, frequentissimè obire consuevit. Cùm igitur visum esset expedire, vt presbyteri huius Societatis diuersissimis orbis regionibus disiuncti, vnam eandemq; rationem in hoc ministerio gerendo sequerentur, quemadmodum vno atq; eodem spiritu ad promouendam hominum salutem ducuntur, datum fuit mihi negotium à R. P. nostro Præposito, vt quàm aptissimo ordiue possem, in compendium ea redigere curarem, quæ partim lectione, partim obseruatione, crebrisq; tum meis tum aliorum experimentis vtilia esse & confessarijs & confitentibus compertissem. Nec verò quisquàm existimet, id nobis fuisse propositum, vt Summam casuum conscientia conficeremus, quin potius ad huiusmodi doctrinam ex alijs Doctoribus petendam hortamur: Sed id agebamus hoc breui compendio, vt circa modum in confessionibus procedendi, esset sacerdotibus nostræ Societatis vna proposita regula, ad quam præcipuè, quæ ad hanc functionem pertinent, dirigeremus: seruantes eam vnionem in illa exequenda, quam omnibus in rebus tenere propter Christi obsequium ante omnia expetimus. Verùm cùm plurimis exemplaribus egeremus, quæ manu exarari vix etiam longissimo tempore potuissent, statueramus Typographorum opera uti,

## AD LECTOREM.

& omnia quæ excuderentur volumina recipere, vt ea inter nostros dūtaxat distribueremus: ac itaq̃ dē fecissemus, nisi Reuerēdissimus Archint<sup>9</sup> Summi Pontificis in alma Vrbe Vicarius (qui vnā cum Magistro Sacri palatij de libris qui Romæ imprimūtur censurā ferre solet) nos, cūm hunc tractatū vidit, ad euulgandum illum, & cum alijs etiam extra Societatem communicandum fuisset hortatus. Qui sperare se aiebat multos & confessarios & confitentes fructum non mediocrem ex illo esse capturos. Nos verò, qui labores omnes nostros, ac nos ipsos publicæ animarum vtilitati ad D E I gloriam consecrauimus, vt aspernari non debuimus iudicium huius sapientissimi præsulis, ita hac in parte eius sãcto desiderio repugnare nullo modo ausi sumus. Quare permisimus, vt libellus hic in lucem prodiret. Precamur autem inexhaustam Dei misericordiam, vt tam confessarios ipsos, quā pœnitentes per pœnitētiā verā à peccatis purgatos, ad fœlicissimum illud regnum, in quod nihil intrat coinquinatum, perducere dignetur.

Amen.



## PRÆFATIO.

DE SUBSTANTIA, FINE

*& efficienti causa Sacramenti  
penitentiae.*

**P**oenitentia, & virtus est, & Sacramentum, iuxta doctorum sententiam. Virtus quidem est, qua dolemus, ut oportet, de peccatis præteritis cum proposito ea in futurum euitandi, quod breuiter Ambrosius, Poenitentia est præterita mala plangere, & plangenda iterum non committere. Ut autem est Poenitentia Sacramentum, id est, ex Augustino, & sancto Thoma, sacræ rei signum, puta remissionis peccatorum, duplices actus includit, nimirum peccatoris cor recessisse à peccato ostendentes, & Sacerdotis, opus Dei in remissione peccatorum significantes.

Sed rem magis explicando ex Concilio Florentino (cui consonat Tridentinum & Doctores) huius Sacramenti quasi materia, sunt Actus poenitentis, qui in tres distinguuntur partes.

Prima est cordis contritio, qua poenitens detestatur, & dolet de peccatis commissis, cum proposito amplius non peccandi.

Secunda est oris confessio, qua omnia peccata, quorum memoriam habet, Sacerdoti suo integrè confitetur.

Tertia est operis satisfactio, qua pro peccatis secundum arbitrium sacerdotis satisfacit, quæ qui



dem præcipuè fit per ieiunium, orationem, & elemosinam.

Forma huius Sacramenti sunt verba absolutionis, quæ Sacerdos profert, cum dicit: Ego te absoluo &c. omnia autem alia sunt ad solennitatem, quæ tamen non sunt prætermittenda.

Finis verò, res, & effectus huius Sacramenti, quantum ad eius vim, & institutionem spectat, est absolui à peccatis, & reconciliari DEO, in eius gratiam redeundo: unde sequitur liberatio à pœnis Inferni, & in ijs, qui deuotè confitentur, pax & serenitas conscientiae, cum magna spiritus consolatione, & augmento donorum Dei.

Causa efficiens, & primaria huius Sacramenti, licet Deus sit, Christi meritum intuens, tamen ut secundaria & instrumentalis, est minister huius Sacramenti, qui Sacerdos esse debet, habens auctoritatem absoluendi ordinariam, vel ex delegatione superioris: & de hoc ministro dirigendo sermo nobis in præsentiarum futurus est. Sed ut in artificialibus artificis esse solet, & quæ ad suam personam spectant, curare, & artis materiam disponere, & in eadem dispositam formam inducere, & ad finem animo propositum, totum opus aptare: sic huius Sacramenti ministro (qui cōfessarius est) ut suo perfungatur officio, quatuor erunt curanda. Primum pertinet ad ipsius personam, ut apta sit ad hoc munus obeundum. Secundum ad Sacramenti materiam, scilicet actus confitentis, ut is à confessario adiutus circa contritionem, confessionem, & satisfactionem suum officium faciat. Tertium

ad formam huius Sacramenti, vt rectè, atque ordine absolutio impendatur. Quartum ad finem, vt scilicet pœnitens non solum per peccatorum veniam, D E O reconcilietur, verumetiam emendationem vitæ, pacem, & consolationem spiritualem referat, & ad gratiæ profectum, se disponat: & de his quatuor totidem capitibus agendum erit.



CAPVT

# CAPVT PRI.

M V M.

## DE CONFESSARII CV-

*ra circa personam suam, ac  
primò de scientia.*



Qvod ad confessarij personam attinet, vt rectè & securè suo fungatur officio, quinq; ( vt ferè omnes consentiunt ) ei necessaria sunt, scilicet, scientia, potestas, bonitas, prudentia, secretum. Ex quibus tamen, quædam ad ipsam Sacramenti huius administrationem sunt necessaria, quædam vt inculpate ab ipso confessario administretur, quædam vt decorè, & cum fructu magno animarum administretur.

Ac primo quidem loco scientia necessaria est eatenus, vt à non peccatis, peccata, & mortalia in cõmuni vel ex genere, à venialibus discernat. Ex genere sunt mortalia, quæ contra charitatem Dei & proximi admittuntur: quod intelligetur videndo, an sint contra præcepta Dei vel Ecclesie, contra votum, vel conscientiam, quod accidit ijs, qui id quod reputant mortale ( fortè non verè ) nihilominus faciunt. Sciat etiam oportet generaliter, quæ mala esse satis apparet: vt septem peccata capitalia & species eorum, quæ statim annexum malū ostēdunt ex seipsis. Cautat autē faciliè pronunciare, aliquid esse mortale, quod certò nesciat: in dubijs, inclinet potius ad securiorē partē, in difficilioribus nouerit dubitare, vt quod per se

non potest, alios consulendo resoluat. Interim si res fuerit talis, ut nisi de ea constiterit, dari nequeat absolutio, differenda erit decenter, admonito, ut redeat, pœnitente.

Debet etiam scire circumstantias peccatorum, præcipuè eas, qui mutant speciem actus, & ex quibus potest reddi peccatum mortale: si tenetur pœnitens ad restitutionem, si vult perseverare in peccato, si incidit in casus reservatos: si est in excommunicatione. Et præcipuè eas excommunicationes scire debet, à quibus ipse non potest absolvi. De alijs vinculis suspensionis, & interdicti, & de nota irregularitatis, licet non sit perinde necessaria, aliquatenus certè curanda est cognitio. Sciat etiam in quibus casibus sit iteranda confessio.

Primò, scilicet, cum in pœnitente deficit propositum abstinendi à peccato.

Secundò, cum ex intentione aliquod peccatum malè omissum est in confessione.

Tertiò, cum confessarium non habuisse potestatem absoluendi constat, quod accideret, si non esse sacerdotem, vel non habuisse iurisdictionem, vel certè non eius usum, propter excommunicationem publicatam, vel suspensionem constaret. Quartò, cum constat mentis compotem non fuisse confessarium, vel noluisse absolvere. Quintò, si omnino ignorans fuit sacerdos, aded ut qua forma ad absoluendum uti deberet, nesciret, vel sermonem pœnitentis non intellexit. Sextò, si pœnitens impedimentum habuit, ut excommunicationis,

tionis, eius conscius. Multi addunt Septimum, id est, ob pœnitentiam ex contemptu, vel nimia negligentia omissam, cuius pœnitens oblitus est. Propter hoc tamen ultimum iterare potius securitatis, quàm necessitatis est.

Scire etiam tenetur, quousquē se extendat potestas ei concessa. Quia autem non ex obedientia, sed ex sua voluntate se offert ad audiendas confessiones, vbi alij præsertim idonei non desunt, instructior scientia esse debet.

Qui autem dubitat, an sit idoneus, si ei imponitur à superiore, intrepidè obediat.

*De potestate confessorij.*

**P**RÆTER scientiam, cōfessario necessaria est triplex potestas: prima ordinis, vt sit Sacerdos: secunda iurisdictionis, ordinaria vel delegata, vt scilicet facultas ab eo, qui potest, ei concedatur. Qui enim à reseruatīs sibi peccatis absolueret, scienter, vel ignorantia iuris crassa grauitèr peccaret, & cui hoc accideret, deberet obtenta facultate absoluendi, & vocato pœnitente ( si fieri cominodè posset ) quasi volens de alijs interrogare, & certior fieri, cum eiusdem consensu, vel eodem ad cōfessionem inducto eum iterum absolvere: si non potest cum eo loqui, vel sine scandalo monere, Christo cōmittat. Religiosus, qui ab excōmunicatione à iure, vel quicunq; ab excōmunicatione in Bulla cœnæ reseruata, sine potestate absolvere p̄sumeret, excommunicationem incurreret. In articulo tamen mortis naturalis vel illatæ, vt in his, qui mortu adiudicati sunt, de omnibus ex-

communicationibus, & peccatis potest quivis Sacerdos absolvere. Tertia potestas est quo ad usum, ne scilicet sit excommunicatus, suspensus vel irregularis. De excommunicatione autem, suspensione, & irregularitate, ac etiam interdicto alibi plura.

*De bonitate Confessariorum.*

**E**ST etiam necessaria confessorio bonitas. Qui enim in peccato mortali audiret confessiones, mortaliter peccaret. Vice versa, quod ipse melior, & in omnibus virtutibus, præcipuè in charitate fraterna, & zelo animarum eminentior fuerit, eò aptius erit instrumentum diuinæ bonitatis, ut per ipsum dignetur poenitentem melius disponere, & eidem plenius sacramenti effectum cum gratiæ, ac virtutum incremento præstare. Ad bonitatem pertinet, ut sit compositus exterior & interior, qui confessiones audit. Exterior quidem, ut nihil videatur in vultu & gestibus, vel motibus corporis, vel etiam in vestitu, nec in voce audiatur, quod non deceat virum maturum, & qui meminit se locum Dei tenere. Interior vero ut considerando cuius vices gerat, tanquam in eius oculis cum reuerentia & timore sancto hoc officium peragat, & humiliter de se sentiens, in corde suo confitentes sibi præferat, ac se meliores existimet.

*De prudentia Confessariorum.*

**P**raterea prudentem esse oportet, tum erga poenitentem, in eius vulneribus medici more perscrutandis, ac medicina adhibenda (de quo inferius)

rius ) tum erga seipsum, cautè agendo in ijs interrogandis, quę possent in tentationem adducere incautos : verbis etiam honestis vtatur, & vti doceat. Satis enim est intelligi id quod dicitur. Quod attinet ad aspectum, excludendus est vtrunque, vt nec qui confitetur faciem confessarij, nec confessarius videat confitentis, præcipuè si mulieres sunt : imò ad latus sunt constituendi, & si nihil fuerit intermedium quod aspectum prohibeat, aurem eisdem præbendo, certè manu ab eodem latere maxillę apposita, faciei aspectus excludi poterit. Mulieres verò non nisi in publico audire, & breuiter quantũ fieri potest, & res patitur, eas expeditè conuenit. Frequenter confitentibus certum tempus constitui debet, extra quod nō audiantur : & cum eisdem potius seueri, quàm blandi sint confessarij, nec longis prædicationibus vtantur. Et quamuis est prudentiæ resolutionem eorum, de quibus dubitat confessarius differre, donec rē melius expenderit : tamen eos qui parati sunt facere quod debent, interdum posset absoluerè. Si casus occurreret, de quo constat, quod variè sentiunt doctores insignes, alij scilicet quòd sit peccatum mortale, alij contrà, & pœnitens adheret alicuius eorum opinioni periculosiori, tutior quidē via ei suadenda, & periculi terror incutiendus est : sed nō potest ei negari absolutio, ab eo qui ordinari⁹ est : qui tñ non est ordinarius, si sentit esse mortale, sequi potest suũ iudiciũ, & nō absoluerè : videat ergo quid expediat. Quod si non innitatur

ratione

rationi validæ, nec claro auctori præmitens, & dubium sit an peccatum hoc sit vel illud, omnino debet abstinere velle. Si non de peccato agitur, sed an hoc faciendum nec ne, puta poena subeunda, vel restitutio facienda &c. benignior in dubijs pars eligenda, iuxta illud cap. de transact. in his super quibus ius non inuenitur expressum procedas a equitate seruata, semper in humaniorem partem declinando, secundum quod personas, loca, & tempora videris postulare. Est etiam prudentiæ, cum omnes audiri nequeant, eos libentius & prius audire, qui magis indigent, vt sunt qui rarius cõfitentur, & quorum spiritalis profectus redundat ad maiorem DEI gloriam, & commune bonum.

*De secreto vel sigillo Confessarij.*

**D**Emum confessorius debet tam arctè secretum seruare, vt nullo præcepto, etiam Sûmi Pontificis, manifestet, quæ in confessione audiuit, & potest dicere, & iurare se nescire, quia nescit vt homini subiectus, licet magnum aliquod malum immineat, non reuelando: cui tamẽ malo prouidere par est, quo ad eius fieri potest, non prodendo confitentem villo modo, nec odiosam faciendõ confessionem. De licentia tamen confitentis, & citra scandalum, possunt reuelari audita, sed nõ debent, nisi prodesse possint. Qui interrogatus an absoluerit aliquem, dicit se non absoluisse, quia ex multis causis hoc potuit accidere, non est quidẽ ille semper damnandus vt reuelator, sed male di-



ceret; potius dictum oportuit, se fecisse quod debuit, imò si ex consultatione confessarij, vel etiam peccati proprij cōfessione, posset innotescere peccatum alicuius in cōfessione auditum ( quod raro admodum posset accidere ) potius differri debet: fortior enim est tunc obligatio sigilli, quàm confessionis faciendæ. Caueat etiam, ne propter vllū peccati genus, minus benignā faciem, quàm prius, ostendat pœnitenti. Et hæc de persona confessarij dicta sint.

## C A P V T S E C V N D V M

*de cura vel industria confessarij  
circa actus pœnitentis.*

**S**ecunda confessarij cura esse debet, circa pœnitentē iuuanum ad actus suos, scilicet, cōtritionis, confessionis, & satisfactionis recte peragendos. His autem quiriarius, & non bene consistitur, confessarij charitas industria, & diligentia esse magis necessaria: vt quo ad eius fieri possit, pœnitentium defectus supplendo, eos ad huius Sacramenti finem consequendum disponat. Quia verò cum huiusmodi, hæc cura secunda confessarij, de qua agimus, magis exercetur, his accommodato sermone, de ea plenius agetur.

*De his quæ præmittuntur  
confessionī.*

**P**rimū, sacerdoti paranti se ad audiendās confessiones, renouandum est desiderium salutis

salutis animarum, et diuini honoris, per orationē: qua ( licet breuiter ) petet à Deo gratiam poenitentibus, vt ad ipsum verè per cōfessionem redeant, ac Sacramenti finem consequantur: & sibi, vt sue munere rectè fungatur: & ne confessarij negligentia impediāt vim & efficaciam sanguinis Christi & diuinæ liberalitatis influxum in poenitentes, quin potius vt suppleat summa bonitas ipsius & potentia, vilis instrumenti defectus. In ipso etiam confessionis decursu, exerceri modo eodem charitas potest, & poenitens semper vt imago Dei, reparata Christi sanguine, & eo perfusa, oculis mentis obijciatur.

Suscepto poenitente ( quē subditum sibi confessarius cognoscat oportet ) curandū est, vt decenter se habeat, vtroq; genu flexo, & capite nudo ( si potest ) facie verò non ad sacerdotem, vt dictum est, sed ad latus versa. Et si sua sponte nō faceret, blandè monendus esset, vt meminerit, se nō coram homine peccatore, sed coram Deo altissimo constitutū esse, vt agnoscēdo offensas humiliter veniam postulet. Proinde iuxta sanctam confitentium cōsuetudinem, genu flectat, & caput aperiat. doceat præterea ( si tam rudis est poenitens, vt id per se facere nesciat ) signo crucis se munire: In nomine Patris, & Filij, & Spiritus sancti: & confessionem generalem, vsq; ad illa verba: Mea maxima culpa, simul cum eo dicat.

Si nescit statum confitentis, & conditionem & officium, petat breuiter, vt cōuenienter ex proprijs cum eo procedat. Refert enim intelligere si coniugatus

gatus, si in sacris, si beneficium Ecclesiasticum habens, si literatus, & huiusmodi.

Petat de tempore, à quo non est confessus, nec communicavit. Ad quod omnes qui attingunt discretionis ætatem & eam sufficienter videntur cōsecuti, tenentur certè semel in anno, & quidē circa festū Resurrectionis, quod ad cōmunionem attinet.

Interroget (si hominem in hac parte non novit) an fecerit pœnitentiam iniunctam, & an conscientia suæ satisfecerit omnia dicendo quæ memoriæ occurrerunt peccata, in præteritis confessionibus, ut videatur, an iteranda sit cōfessio. Quod si videretur iteranda, hortetur eum, ut se paret, & tempusumat ad omnia confitenda: vel si de morte timeatur, aut non apparet factururus, si inde recesserit; horretur, ut tunc dicat omnia, etiam quæ in alijs cōfessionibus dixit (postquā omisit aliquid scienter) quantum recordari poterit, quia illæ omnes in quibus scienter aliquid omittebat inutiles fuerunt, & suppleat confessarius suis interrogationibus si quid omissum ei videbitur.

Petat an discussit conscientiam suam ad hanc confessionē instituendā: si dicat se non discussisse, & verisimile sit quod pōst redibit paratior, dimittendus esset, ut se discutiatur, præfixo tempore quo redeat. Si mors vel Phrenesis immineret, vel nō sit verisimile quod redibit semel dimissus, vel si dicat aliquo modo se discussisse suam conscientiam (presertim si sit valdè eruditus) monendus est, ut in posterum diligentius se præparet, & ut quod recordatur, sincere dicat, cum omni ea humilitate & displicentia peccatorum, quæ potest, ut

qui ab offensa Maieſtate Dei, veniam per confeſſionē ſit impetraturus, & ſupplere nitatur cōfeſſarij ſuis interrogationib⁹ defectū plenę diſcuſſiōis.

Petat an incurret excommunicationem, & ab ea ſi incurrit, abſoluat, ſi quidem poteſt: vel ſi nō poteſt, remittat ad ſuperiorē, vel ipſe obtinere ab eo facultatē abſoluen-di curet. Præſtat tamen ſi remittendus eſt, de alijs, quæ reſervata eſſe poſſunt, prius interrogare, vt ſimul ad omnia facultas obtineatur: ſic etiam ( ſi tempus abundē non ſuppetat ) interrogari in initio expedit pœnitentē de hijs, quæ impediunt ne poſſit abſolui: vt, an ſit in aliquo peccato, quod nō ſit paratus relinquere, qualis eſt uſura, concubinatus, odia, vel alia huiusmodi, & de clericis, an habeant incompatibilia, & cū qua conſcientia & titulo; & quando non habent tonsuram, & habitum tolerabilem, dimittendi ſunt, donec ferant, niſi excuſationem habeant legitimam, quæ rarò admodum haberi ſolet. Et hæc commodè præmittuntur, quia adhibita perſuaſione ſi parati non ſunt à peccato recedere, tempus conteritur cum hijs, quod cum alijs vtilius expendetur: ſi tamen occupationes nō vrgerent, pium eſſet hos audire, ſi fortè miſereretur Deus, eorum cor mutando in confeſſionis decurſu. Licet tamen dimittantur, non progrediendo in confeſſione, cōſilio bono iuuandi ſunt, vt per bona opera ſe diſponant ad gratiam accipiendam, & peccata euitent, &c. Hijs ergo præmiſſis vt oportere iudicabit, cōfeſſarius dicat pœnitēti, vt quę cogitauit, & in memoria habet dicat, & quamvis ille malit interrogari,

rogari, nihilominus exhortandus est, ut dicat prius quod meminit: iuvat enim id, licet inordinatè & imperfectè faciat.

*De interrogatione, qua suppletur discussio insufficiens pœnitentis.*

**Q**uam diu dixerit quisque quod meminit, eum attentè audire oportet, & sine interruptione, nisi fortè videretur monendus obiter (si erraret in eo) ne nominet personam aliquam, vel ne dicat superflua, & ad rem non pertinentia, vel quid huiusmodi, quod non impediatur cursum confitentis, sed potius dirigat. Postquam verò dixit, quod per se dicere potest, si non videretur oīa, quæ necessariò dicta oportuit, dixisse, tenetur interrogare confessarius.

Proposita ergo benignè spe misericordiæ, curet sacerdos pœnitentem animare, ut verè, integrè, ac liberè respondeat ad interrogata, (quod cum pueris & mulieribus magis est necessarium) ne quid propter verecundiam taceant, sed nec dicant amplius quàm sciunt, imò certa pro certis, dubia pro dubijs, prout ipsi meminerunt, dicant.

Tunc demum discurrat interrogando per præcepta, &c. (prout in interrogatorio patebit) et quidem diligenter, & prudenter ubi opus est: ut quæ peccator ignorat, vel præ verecundia, vel negligētia tacet, eliciat. Et ordinatè procedere expedit, cū vacet pœnitenti: alioqui si mors, vel phrenesis (ut dictum est) vel linguæ impedimentum timeretur, summus ordo est, non seruire ordinem aliū quàm

quem discretio dictauerit : sed ferè de grauioribus, & quibus poenitens videtur magis indigere , prius interrogari conuenit. Et quamuis de circumstantijs mutantibus speciem peccati , vel multum aggrauantibus , quis, quid, vbi, quibus auxilijs, cur, quomodo, quando, interrogare oporteat, duo tamen in omnibus peccatis, precipue in venereis sunt cauenda. Alterum : ne ita explicitè interroget, quæ communiter non sunt nota , vt doceat poenitentem, quæ nescit. Idèd à longè procedere oportet, & gradatim à communioribus descendere : quæ si non agnoscit poenitens , non est, quod de speciebus interroget. Vt qui de contactu aliquo inhonesto interrogatus negat, non de hoc & illo modo, vel specie contactus debet interrogari. Alterum est, ne confessor parum sobriè inuestigans circumstantias non necessarias ( tales sunt quæ non mutant speciem peccati, vel in infinitum aggrauant ) sibi, & poenitenti, tentationem excitet. Habita ergo specie peccati, in talibus progredi non expedit ad alias circumstantias, dicant ipsi si volunt.

De numero peccatorum oportet quidem interrogare, sed videndum, ne subtiliter computando fastidium generetur poenitenti, satis enim est, vt plus minus secundum estimationem suam dicat quisque quoties peccauit.

Plus & minus, & alio atque alio modo, interrogare oportet pro qualitate personæ, & quemque de his, quæ magis propria sunt ei, animaduersè statu & officio, et ijs, quæ ex dictis ab ipso elici possunt. Et quamuis non debet esse molestus, cum ali-

qui

qua dicta sunt, in eisdem interrogandis : si tamen quid non bene expressum, magis declarari oportere, interroget, sed ita ut intelligat poenitens non id ipsum quod dixit, sed aliquid aliud peti, quod non dixit.

Ut magis innotescat, & melius iurari possit poenitentis conscientia, interrogare etiam oportet, num praevenerit tentationes, aditum eis praebendo, an resistat: tum de bonis inspirationibus, num excludat, an eis obediat & etiam bona (sicuti & mala) expedit intelligi à confessario, ut ad ea conservanda, & augenda iuvet.

Demum interrogentur, an aliquid aliud habeant, quod gravet conscientiam, &c. Et ut addant in fine clausulam generalem, id est, De cunctis alijs vitijs & peccatis, &c. dico meam culpam, & precor &c. usque ad finem confessionis generalis.

*De poenitente iuvando ad contritionem habendam.*

**D** Um aliquis per se dicit peccata, vel interrogatus, (praesertim si huiusmodi est, ut propter verecundiam, vel timorem aliquid possit reticere) non debent aggravari peccata, nec reprehensionibus deterrendus est poenitens, sed potius cōpatione & benignitate ostensa, animadus, ut cū fiducia omnia & sincere dicat. At dictis iam omnibus peccatis, si parum de eis dolere videtur, de operā Sacerdos, ut peccator eorum gravitatem sentiat, in genere ostēdendo, quā grave sit peccatū  
B z
mortale,

*Qua-  
traue-  
sit  
mortale  
peccatum*

mortale, ex Dei iudicijs in Luciferum, & primos  
parentes ob vnum peccatum: & ex punitione debi-  
ta cuilibet peccato mortali, quo perditur gratia  
Dei, et regnū eternę beatitudinis, quo filij Dei effi-  
ciuntur serui Dæmonis, & ad nunquam finiendos  
infernī cruciatus damnantur, si in eo sine pœnitentia  
decedant. Ostendetur etiam vulneris grauitas,  
ex remedij difficultate: quia ex sanguine Christi  
filij Dei, & tormentis, & demum ex morte acerbis-  
sima, medicina ad id sanandum confici debuit.  
*Remedij:* Si qui ad amorem sunt faciliores, ex hoc vltimo, ex  
beneficijs, & bonitate Dei, & sua ingratitude,  
magis compungi poterunt. Deinde descendendo  
ad aliqua grauiora, ex his quę dicta sunt, & ad ea  
ad quę magis videntur pœnitentes propensi, exag-  
geranda & aggrauanda sunt, vt magis ea detesten-  
tur, terrorem etiam vindictę Dei, nisi abstineant,  
incutere aliquando conuenit. Moneantur certę,  
quodd dolor de peccatis mortalibus, super omnes  
dolores internos esse debet, & vt doleant quodd nō  
habent veram illam cōtritionem, quam deberent.

*Diffi-  
cili-  
tate*

Reprehensio etiam cum ingenijs agrestioribus  
durior, ne contemnant, est adhibenda. Sapientio-  
res, & in dignitate eminentiores, blandē & cū de-  
xteritate sunt reprehendendi.

Quantum autem sit opus his vti, discretio, &  
præcipuē vnctio superna docebit, sed vtcunque,  
curet confessarius ex zelo glorię Dei, & salutis ani-  
marum, partem bonam pœnitentię ferre, vt sen-  
tiens qui cōfiteatur, quām ei aliena peccata ex cha-  
ritatis affectu doleant, etiā ipse de proprijs doleat.

Demum



Demum petat (nisi satis appareret) an doleat de omnibus, & propositum habeat vitam omnem emendandi, & abstinendi ab omnibus peccatis pro virili, & satisfaciendi p̄ commissis, vt oportet. Si ostendit se nō paratū ad relinquendum statum peccati, vt concubinam, seu artem illicitam, vel ad satisfaciendum, vt in vsuris, & alijs, quæ restitutionem exigunt, diligenter quidem conetur, animam proximi sui lucrificare persuadendo: sed si omnino non possit, ne absoluat: sed hortetur (vt dictum est superius) ad bona agenda, & mala vitanda, & quicquid potest ei prodesse, vt disponat se ad gratiam Dei, & declaret quāto in periculo sit, & quod non est absolutus.

Eos, qui propositum habent relinquendi peccata, consolari oportet, proposita spe veniæ, & quod Dei misericordia, & Christi sanguis effusus supplebunt defectū discussionis, & contritionis, & si qui alij acciderunt in cōfessione: dummodo sincerè & integrè dixerit, quicquid in memoria habuit: qui autem essent deiecti nimis sensu peccatorum, vel scrupulis obnoxij, diligentius erigendi, exemplis diuinæ pietatis, & animandi, & pacificandi sunt: & si opus est, recipiat ad se confessorius, quod Deo respondebit pro ipsiis: et peccata interdum extenuare (quantum licet) cum huiusmodi necesse est.

*Quomodo in satisfactione pœnitens inuetur.*

**H**is transactis, si qua restitutione damni, rei, vel fame, vel bonorum animæ opus est, significetur pœnitenti; licet tamen dicat se velle

B 3 restituere,

restituere, vel facere quod debet: si probabiliter timeat confessatius non expleturum, insinuare potest, quod commutationes vel compositiones. prodesse possunt, & quamvis simpliciter absoluat, protestetur tamen quod si non restituat, vel faciat, quod debet, peribit ei fructus confessionis. Promissio verò specialis, vel iuramentum, ab huiusmodi, qui parum dispositi videntur, exigi non debet, nisi in casibus à iure ordinatis, de quibus infra.

Postea iniungatur, ante absolutionem, sacramentalis satisfactio, vel poenitentia. Et est videndum, ne in præiudicium tertij sit: ut si seruo peregrinatio, vel ieiunium magnum iniungeretur. Nec etiam pro occulto peccato, manifesta poenitentia dari debet, ex qua in suspicionē illius veniri possit.

Quod attinet ad magnitudinem satisfactionis, præstat errare minorem æquo, quàm maiorem imponendo: licet re vera idem opus in sacramentali poenitentia iniunctum, efficacius sit ad meritum, ob clauium virtutem, quàm si voluntariè fieret: imò ea non tam quantitati, aut qualitati criminis (cuius tamen est habenda ratio) quàm personæ debet congruere. Nam dispositis ad maiorem poenitentiam admittendam, maior potest iniungi: infirmis, qui vel non admittunt, vel certè videntur non expleturi grauiorem poenitentiam, eam imponat, quam executuri videbuntur. Concedat etiam posse redimere, ut ieiunia eleemosynis. Quædam etiam poenitentis relinquat arbitrio, ut si dicat hoc facies, vel si malueris, illud. Demum potius leuem satisfactionem imponat, quàm recedat

deret finat afflictum, vel desperatum poenitentem, ob poenitentiae grauitatem. Quando tamen exigua iniungeretur poenitentia, indicari posset, quanto maiorem mererentur: siquidem septennis pro quouis mortali in usu erat. 2-2, q. 1. Si tamen timeretur nimia deiectio, vel diffidentia, non expedit hoc dicere; & charitatis erit, humaniori adhortatione suadere voluntariam satisfactionem, significando quod in Purgatorio, aut in hoc mundo, quod reliquum est poenae, luere oportebit. Vtunque hoc sit, hortetur, vt in gratia Dei poenitentiam absolueret curret.

Feratur autem intentio iniungentis poenitentiam, vel satisfactionem, ad extirpationem vitiorum: vnde, contraria si admittantur, maximè conueniunt, vt elemosyna contra auaritiam, ieiuniũ contra luxuriam, audire verbum Dei contra negligentiam in eo audiendo, oratio ad gratias impetrandas, vt septem Pater, & Aue, ad septem dona & virtutes, contra septem peccata; quinque ad reformationem quinque sensuum: tres ad reformationem trium potentiarum, vel vt bene se habeat ad Deum, proximum, & seipsum. Confert etiam pro poenitentia aliquando imponere euitationem aliquarum occasionum peccati, & praecisionem causarum eius: vt allocutionem huius, ingressum in domum illius, &c. quaedam etiam fortissima, & latissimè patentia ex remedijs, quale est octauo vel decimoquinto quoq; die confiteri (si quis admitteret libenter) loco satisfactionis vtiliter iniungeretur. Aduertendũ est etiã, quod ijs maximè qui

recidere solent, iniungere pœnitentias expedit opor-  
tuno, quæ manent: vt eleemosynæ. Sunt enim qui  
dubitant de non manentibus (qualis est oratio) an  
etiam post resipiscentiam valeant ijs, qui in morta-  
li exoluerunt. Hactenus de secunda confessoris cu-  
ra, quæ versatur circa materiam huius Sacramen-  
ti, id est, actus pœnitentis, & maximè accommo-  
dato sermone illis, qui auxilio indigent maiori, vt qui  
rard, & non bene confitentur.

*Quomodo cum alijs, qui minori egent auxilio,  
se habeat confessorius.*

**A**T sunt aliqui qui sæpius, & rectè cōfitentur,  
ac noti sunt. His satis est audita eorū confes-  
sione, pœnitentiam iniungere: nisi remediū  
aliquod, ad aliquos defectus, . aut consolatio, aut  
exhortatio aliqua, vel instructio adhibenda videat-  
tur.

Alij sunt, qui sæpius quidem confitentur, sed  
minus rectè, & hi ea in parte iuuand+ sunt, in qua  
non bene procedunt. Si enim conscientiam suam  
non videntur bene discussisse, vel certè peccata nō  
exprimunt, interrogazione iuuād+ sunt iuxta breue  
interrogatorium, quod subderit. Si dolor deesse,  
vel propositum firmum abstinendi, vel satisfaciendi,  
vel alia ad confessionem necessaria videbun-  
tur, ex superius dictis, quæ ad hæc inducūt, adhibe-  
ri poterunt, quæ discretio confessorij iuxta personæ,  
& temporis circumstantias adhibenda censuerit.

Qui rarius confitentur, sed rectè ac diligenter se  
discussisse videntur, non est, quod interrogationi-  
bus

bus molestantur, nisi aliquid omisisse, aut obscurius dixisse, aut ad emendationē vitę, vel profectū spiritualem quid intelligi oportere videatur: tunc enim quod satis ad hoc fuerit, non amplius interrogare oportet. Sicut etiam qui dolorem sufficientē, & propositum abstinendi à peccatis suis præ se tulerint, eaquę confitendo satis aggrauauerint, non est quod multis confessarius ad dolorem excitet, & ad detestationem, & euitationem eorum exhortetur: sed potius his breuiter tactis, quasi approbando quod merito ipse sentit de suis peccatis (quibusdam præcipuē grauioribus) veniæ spe confirmata, & si opus fuerit consolatione adhibita, ad consilia in futurum, & remedia se conferat. Quod si aliquo modo, sed non sufficienter detestari viderentur sua peccata, nec tam firmum propositum abstinendi, quàm par esset, ostenderent: ex his quę inferius sequentur, habita ratione personarum iuuandi erūt, iam sequitur de absolutione, quę huius Sacramenti forma est. quia tamen in ordine executionis, præcedunt quę ad finem Sacramenti conferunt, de his prius dicetur.

## C A P V T T E R T I V M

*de fine huius Sacramenti.*



Riplex huius Sacramenti fructus est. Primus, reconciliari Deo per gratiam, qua remittuntur peccata, huic cōiungitur pax & consolatio spiritualis. Alter, vitę emendatio in futurum. Tertius, augmentum gratiæ & virtutum. Primum

(qui huius Sacramenti proprius effectus & finis est) assequitur poenitens per actus iam dictos, contritionis, confessionis, & satisfactionis, adhibita absolutione, quæ per virtutem sanguinis Christi, ipsorum complet imperfectionem. Ad secundum & tertium disponitur, & iuuatur plurimum per confessarii consilia, instructionem & exhortationem: quæ tamen accommodari debent ad captum confitentis.

*Quomodo iuuetur poenitens à confessario ad emendationem vitæ.*

**A**d emendationem ergo vitæ, curet poenitentem armari contra defectus suos, firma voluntate, & sæpè renouata, non offendi Deum, ac ei xetè seruendi, & promptitudine occurrendi prauis cogitationibus, vnde reliqua mala oriuntur. Quod fiet, reprehendendo seipsum, Deum præsentem recordando, recurrendo ad Angelum custodem, ad sanctos, & præcipuè ad Christum crucifixum, & matrem circa crucem (in quibus videbit, quàm teneatur resistere peccatis illis, quæ sic in seipso punit Christus) dicendo aliquem opportunum versiculum, aut verbum: vt, Deus in adiutorium meum intende: Cor mundum crea in me Deus: Iesus, Maria &c. Iuuat etiam memoria beneficiorum Dei, & poenarum, quibus peccator sit obnoxius, & mortis, cuius aduentus hora tam est incerta: & iudicii Dei, qui testis & pars futurus est. Iuuat, si peccatū aliquod accideret, statim poenitere, & aliquam sibi poenam propter id infligere, & suo tempore confiteri proponere: alioqui vnum

pecca-

peccatū, suo pondere in aliud pessundaret. Iuuat eleemosina, bona societas, & euitatio prauæ. Tria præcipuè ferè omnibus possent salubriter proponi.

Primum est, manè se totos offerre Deo cum memoria Iesu Christi oblatis pro nobis in cruce, petendo gratiam, ne eo die nos lahi sinat, præcipuè in ea peccata, ad quæ sumus procliuiiores, dicendo Pater & Aue, & Credo, &c.

Secundum est, aliquantum temporis quietè se colligendo (quod noctu ante somnum opportunè fieri solet) examinare seipsum quotidie considerando beneficia accepta à Deo, & mala reddita: petendo veniam, & proponendo emendationē, dicendo etiam Pater, & Aue, & Credo, Salue, & (si placet) psalmum, Qui habitat.

Tertium, crebrò confiteri sacramentaliter, quod multorum remediorum instar est, & alia pleraque complectitur. Ex his, quæ proponi debeant poenitenti, discretio confessarii dictabit. Quedam autem quæ videntur magis opportuna, magis inculcanda sunt, vt in memoria retineantur. Et si promptitudo voluntatis ad consilium capiendum in aliquo cerneretur, sed obliuio timeretur, dici posset vt scriberet, vel rediret tempore magis vacuo, vt id dictatum acciperet.

Simpliciorib<sup>9</sup>, pauca & faciliora ad intelligendū, et exercēdū proponātur. Vt manè, ter dicere Pater et Aue, cōtra malas cogitationes, verba, et opera, & semel Symbolū Apostolorū. Quod si nesciūt, reprehendēdi sunt, et exhortādi, vt discant. Noctu totidē aut plura, gratias agendo de beneficijs, & petēdo  
veniam

veniam & custodiam, proposita emendatione. Et monendi sunt, ne in corde consentiant malis cogitationibus, & etiam vt crebro confiteantur.

Quia tamen ferè accidit, vt peccata multa vnâ, vel certè paucas habeant radices, diligenter ex effectibus obseruet eas confessarius, & securim admoveat proprium remediorum (de quibus infra) & excitet maximè poenitentem ad conflictum cum vno vel duobus defectibus (ex quibus ferè alij ducunt originem) per renouationem propositi, & examen particulare quotidianum ad eum applicatû, & alia remedia, quę magno & perseueranti animo sunt exerceenda.

Contra reciduum, narrat Gerson Cancellarius, hoc remedio vsum fuisse doctorem quendam, vt scilicet, quinque ad tempus iniungeret habito cōsensu. Primum, vt quodcumque accideret tale peccatum, ille cui accidit, teneretur ieiunare die sequenti in pane & aqua. Secundum, vt certum numerum Psalmorum diceret. Tertium, vt aliquid sibi charum, vel certè pecuniam daret, iuxta facultatem. Quartum, vt teneretur intra triduum post peccatum confiteri. Imminentis enim huius poenitentiae timor, fragilem voluntatem iuuare posset, & à peccato retardare. Quintum erat, vt licet succumbens tentationi, consentiret peccato, aliquas orationes tamen prius diceret genibus flexis, si forte miseretur Deus. Hec autē remedia nō tantū vt utilia proponat Confessarius: sed nitatur poenitentibus persuadere (cogere enim nec potest, nec expedit) Ille idem Doctor in grauib, primo in  
lapsus



lapsu, tolerabilem iniungebat pœnitentiam: sed in memoriam habite gratiæ, aliquid leue, vt Pater & Aue, vel aliquid simile, quod quomdie diceret, iniungebat, ita vt posset reficere quouis die, quæ alio omisisset.

A pueris etiam exigebat promissionem, non tamen iuramentū nec votum, vt cauereut à quibusdam, prohibens seridne alijs fierent prima occasio peccati, & ne transirent in speciem grauiorem, & suadens ne fugerent bonos confessarios, piam conuersationem, & lectionem, &c.

*Quomodo iuuetur pœnitens à Confessario  
ad gratiæ augmentum.*

**T**ertius Sacramenti huius fructus ac finis, est augmentum gratiæ & virtutum: ad quod disponit confessarius instruendo, & exhortando.

Primò, ad bonum vsum gratiæ acceptæ, tuendo sollicitè omnimodam puritatem, insistendo bonis operibus pro talèti accepti ratione, et ijs præcipuè, quæ charitate in Deum & proximum commendantur: gratum etiam se exhibendo bonorum omnium auctori, per memoriam beneficiorum, & gratiarum actionem, & laudem.

Secundò vt se idoneos, & quasi vasa capacia, ad nouam gratiam percipiendam constituent, Rectitudine intentionis, qua omnia bona, & perfectionem ipsam suam, non propter se tantū optent, sed ad proximorum auxilium, & Dei honorem referant: Latitudine desiderij vehementis, continui,

vnici, insatiabilis, efficacis, ad vtendum medijs omnibus, quæ ad gratiæ incrementum disponunt: Profunditate humilitatis, semper quod sibi deest intuendo, sibi omnino diffidendo, & omnem amorem proprium abnegando.

Tertio, vt ea instrumenta bene exerceant, quibus aquam gratiæ, intellectus & affectus noster haurire solet: talia sunt lectio, auditio verbi Dei, meditatio, oratio (maximè mentalis) & vsus Sacramentorum confessionis, & communionis.

Quarto, fontes ipsi, vnde haurire gratiam oportet, ostendendi sunt poenitentibus, ac primò quidem, excitanda est eorum deuotio, ad angelos, & sanctos, præcipuè ad matrem gratiæ Mariam: deinde exhortandi omnes sunt, ad quærendas et implorandas orationes seruorum Dei qui adhuc viuunt, & vt bonorum operum ipsorum participes fieri studeant.

Sed quia vberior est secundus fons Christi mediatoris, admonendi sunt, vt ab eo frequentissimè hauriant, ipsum intuendo vt virtutū exemplar, vt qui nobis promeruit, vt qui vult, & potest augere gratiam omnem, imò ad id inuitat, dicendo, perfecti estote, &c.

Vberimus verò omnium est tertius fons, vnde ad alios aqua gratiæ deriuatur, scilicet, diuina opulencia, bonitas, amor, & cætera, quæ spem excitant in Deum.

Quia tamè (vt sæpè monere oportet) non omnes omnium capaces sunt, prudens cōfessarius videat, vt pro-

ut proportionata cuiusque dispositioni, vel captui proponat, ad gratiæ augmentum.

Et quidem modo prædicto in quouis statu fideles iuuari possunt. Iam licet dubium non sit, quis status consiliorum sit aptior ad gratiæ augmentum, quam præceptorum (vnde dicitur status perfectionis) in ijs qui ad eum vocantur: non tamen expedit poenitentes statim ad id stimulare, ne idoneos quidem: quia multi eo magis refugiunt, quod magis sibi persuaderi id sentiunt.

Securum est tamen huiusmodi homines ad perfectiora, & saluti viciniora (ut paulò ante dictum est) trahere: & cum dexteritate de inspirationibus Dei interrogare, circa perfectiorem statum vite assumendum: & si sentiunt in se aliquas, ne surdi sint ad vocationem Domini: si verò non, ut se paratos offerant Deo ad omnia, quæ ipsi gratissima futura sint: & si commodè fieri possit, ad exercitià spiritualia essent inducendi: vel prout essent dispositi ad optima quæque impellendi. Si tamen animaduertat Sacerdos confitentem sit dispositum, ut expedire iudicet, ad consiliorum viam eum inducere, occasionem elabi de manibus non finat: vel ad colloquium extra confessionem inuitet. Et hæc

de fine Sacramenti confessionis dicta

sint. Iam de absolutione pauca

& extremo tandem loco

dicere oportebit.



## CAPVT QVARTVM

*de confessorij cura circa absolutionem.*

**S**uxta Concilium Florentinum, forma absolutionis (vt dictum est) consistit in his verbis: Ego te absoluo, vel (quod idem est) te absoluo &c. Reliqua sunt de decencia, tam impositio manus super caput, quàm verba ante, & post absolutionem vsitata, sed omitti non debent.

In reconciliationibus breuibus satis est dicere: Dominus noster Iesus Christus te absoluat: & ego auctoritate ipsius, mihi licet indigno concessa, absoluo te, in primis, ab omni vinculo excommunicationis, suspensionis & interdicti in quantum possum, & indiges: Deinde ego te absoluo ab omnibus peccatis tuis in nomine Patris, & filij, & spiritus sancti, Amen. De suspensione non est facienda mentio, cum poenitens nullum ordinem habet.

In confessionibus plenioribus: postquam dixerit poenitens, Ideo precor beatissimam Virginem Mariam, &c. & te patrē orare pro me, & peto absolutionem, & poenitentiam: dictis quæ dicenda iudicauerit, & iniuncta poenitentia, Sacerdos dicet: Misereatur tui omnipotens Deus, & dimissis peccatis tuis perducatur te ad vitam æternam. Deinde manum super caput poenitentis eleuans dicit: Dominus noster &c. vique, Ego te absoluo &c. In nomine Patris, & Filij & Spiritus sancti, Amen. Deinde manum remouens subdit: *Pasce Domini nostri*

nostri Iesu Christi, & merita beatæ Mariæ semper virginis, et omnium Sanctorum, quicquid boni feceris, & mali sustinueris, sit tibi in remissionem peccatorum, in augmentum gratiæ, & præmium vitæ æternæ, Amen.

Non est addenda vlla conditio de futuro in absolutione, qualis esset, si restitueris, vel si pœnitentiam egeris, ego te absoluo. Credere enim oportet pœnitenti, qui dicit se id velle, sed posset dicere qui dubitat an dederit absolutionem: si non es absolutus, ego te absoluo. Non enim bis eadem in confessione debet de eisdem dari absolutio, licet possit reiterari, quoties quis confitetur.

Præterea quàmuis non costet quod incurrerit, debet ad cautelam præmitti absolutio excommunicationis, &c. absolutioni peccatorum. Quod si etiam in irregularitatem quis incidit, aut incidisse dubitatur (super qua confessarius habet auctoritatem dispensandi) sic dicere, potest: Absoluo te in primis ab omni vinculo excommunicationis, suspensionis, & interdicti in quantum possum & indiges, & dispenso tecum super irregularitate, si quam incurristi, vel quam incurristi, propter hoc & illud, & habilito te ad actus legitimos: deinde, Ego te absoluo ab omnibus peccatis tuis, in nomine Patris, & Filij, & Spiritus sancti, Amen.

Illis qui ob ius tertij violatum, vel propter notoriam offensam excommunicati sunt, criminosis nam hominibus, ut incendiarijs, mutilantibus, manifestis raptoribus, vel violatoribus ecclesiarum, manifestis usurarijs, et sacrilegis, non debet absolutio

dari, nisi satisfaciant parti, vel dent cautionem pignoratitiam, vel fideiussoriam: hoc si præstare nequeant, iurent saltem, se cum primuni possint satisfacturos. In magnis autem criminibus, qualis sunt eorum, qui excommunicantur ob offensam notoriam, & incendiariorum, etiam peti debet iuramentum de non committendis ijs, propter quod incurrunt excommunicationem, & de stando mandatis Ecclesiæ.

Si quis fuerit per iudicem excommunicatus, & denunciatus: remittendus est ad eum, ut absoluitur in foro exteriori, quamvis in foro conscientie possit absolui per aliquem habentem facultatem, quæ nonnullis religionibus sunt concessæ, cum satisfactione vel consensu partis: quod si pars contradicat, qui paratus est facere, quod in ipso est, absolui potest in hoc foro conscientie.

Cum necessitas extrema urget, id est, cum mori ferè solet accidere: quivis Sacerdos (si non habet ipse vel poenitens facilem recursum ad superiores ab omnibus peccatis, & censuris potest quemvis absolvere. sed si periculum evaserit poenitens, præsentare se debet ei, qui superior est, propter censuras, non tamen iterare confessionem.

In excommunicationibus publicis, cum solennis danda est absolutio, servari debent, quæ deinde dicuntur. Mortui etiam absolvi possunt ab excommunicatione quod valet, ut quis sepeliatur in ecclesia, & pro eo orationes fiant, &c. Et hæc absolutio, cum forma & complementum sacramenti, sufficiant,

IN APPENDICES  
DIRECTORII

## P R A E F A T I O.

**C**um superius, de discussione penitentis, ac deinde, de vitae emendatione iuuanda, ageretur: de interrogatorio, & de proprijs remedijs peccatorum, aliquid pronissum est, quod iam præstare oportebit. Et quia interea, quæ ad satisfactionem pertinent, vel in primis restitutio necessaria est, quædam etiam de illa, vt memorię minus exercitatorum consulatur, adijciemus. Postremò de vinculis, vel censuris ecclesiasticis, excommunicationis, suspensionis, & interdicti, cessationis à diuinis, ac nota irregularitatis, quod confessario satis esse videbitur, breuiter perstringemus.

## INTERROGATORIUM.

**D**ixit subditur interrogatorium: alterum est paulò fusiùs, ad eorum præcipuè confessiones accommodatū, qui opera confessarij magis egent, vt cognoscant, vel redigant in memoriam sua peccata. Et quia connexa sunt valde, quæ in octauo, nono, & decimo præcepto præcipiuntur, cum ijs, quæ in quinto, sexto, & septimo, ad septem prima præcepta interrogatorum restringitur (ad quæ bona ex parte etiam reliqua peccata reducuntur) causa breuitatis, & ordinis: vt primo de co-

gitationibus, secundo de verbis, tertio de operibus, quarto de omissionibus interrogatio fiat circa præcepta. Quia tamen aliqua ex septem peccatis capitalibus non videbantur tam facile, ad septem præcepta reduci, eorum tria seorsum tractantur. Quædam deinde, ad certos status hominum accommodata, subduntur: non tamen omnia peccata, sed quæ in confessionibus ferè locum habent, persequimur.

*Circa primum præceptum, Dominum Deum tuum adorabis, & illi soli seruias,*

*Circa cogitationes.*

**P**rimò interroget de ijs, quæ circa fidem accidunt. Vbi peccat, qui non credit, vt infidelis, hæreticus, dubius in fide, qui curiose scrutatur & disputat de articulis fidei, tanquam qui velit solùm credere, quod ratione probatur: qui non sentit de Deo & de diuinis piè, vt debet. Deinde de ijs, quæ contra spem. Hic peccat qui desperat de consequenda beatitudine, vel medijs ad eam; scilicet de venia peccatorum, de emendatione vitæ, & virtute consequenda, & exercenda in bonis operibus: & vice versa, qui sine poenitentia veniam consequi præsumit, vel differt in senectutem, aut mortem emendationem. Demùm de ijs quæ contra charitatem. Vbi peccat, qui nimium afficitur ad temporalia: qui timore mundano Deum offendere, vt non ei seruire statuit: qui non recta intentione seruit Deo, sed propter præmium, aut timorem, aut laudem humanam, vt vltimum finem, sine quo



non ei seruiret: qui horrorem quendam habet, aut odium, ad diuina.

*Circa verba.*

Progrediendo ad verba, peccat qui negauit fidem verbo, aut signo, quamuis non mente: qui blasphemauit Deum, vel sanctos: aut cum iniuria, membra eorum indecenter nominauit: qui falsum aliquid inseruit in cultu Ecclesiastico, vel ei adiunxit turpes cantilenas, verbo vel organo: qui inuocauit Dæmones explicitè, vel implicitè, vel habuit pactum aut familiaritatem cum eis: qui murmurat contra Deum, quia non concedit, quæ vellet, vt sanitatem, &c. quæ non iustè, vel quæsi crudeliter cum ipso agat.

*Circa opera.*

Qui adorauit aliud, quàm Deum, latria. Huc pertinet si ad Iudæorum, vel infidelium ceremonias redijt: si fecit incantationes, aut diuinationes superstitiose, per astra, somnia, auguria, vel sortes: si habet secum scriptas orationes superstitiosas, quod aduertitur ex characteribus, & obseruatione varia numerorum, temporum, & huiusmodi: qui Deum tentauit, miracula expetendo, cum non sunt necessaria, neglecto præsidio secundarum causarum, quibus iuuari possit: qui malè, & ingratiè vtitur donis Dei, Deum offendendo.

*Circa omissiones.*

Qui timore oblocutorum, &c. omittit debitum Dei cultum: qui non orat, nec alia facit, ad honorè

Dei necessària: qui nescit necessaria ad salutem, & profectum: vt decem præcepta legis, quinque Ecclesiæ, Credo & Pater, &c.

*Circa secundum, Non assumes nomen Domini  
Dei tui in vanum.*

*Circa verba.*

**P**æccat, qui in iuramento assertorio, per Deum, Sanctos, fidem Dei, &c. scienter affirmat falsum vel dubitans an sit falsum: certè nesciens esse verum, quod iurat: qui in promissorio iurat, non intendens seruare: qui iurauit facere, quod peccatum est: vel non facere, quod bonum: qui iurauit temerè, irreuerenter, per iocum, & demum sine causa: qui vouit rem illicitam, vel licitam, sed propter malum finem.

*Circa omissiones.*

Qui quod iuramento promissit, sua culpa non adimpleuit, qui non satisfecit voto, cui tenetur.

*Circa tertium, Memento vt diem Sabbatè  
sanctifices, sub quo serè  
præcepta Ecclesiæ.*

*Circa opera.*

**P**æterquam quod omne peccatum, in festu commissum, grauius efficitur: contra hoc præceptum propriè peccat, si violauit festa, per opera seruilia, vel prohibita ab Ecclesià, vel id fieri mandauit: si sacramenta malè percepit, vel administrauic, scilicet in peccato mortali, vel in excom-

communicatione: si abusus est sacramentis, vel rebus sacramentalibus: si excommunicatus ingessit se Divinis: si cum excommunicatis participavit extra casus concessos: si suspensus, aut irregularis, aut interdictus ingessit se prohibitis: si violavit Ecclesiam, vel cœmeterium, se mine, vel sanguine: si immunitatem loci Ecclesiastici, per sacrilegium vel violentiam, aliquem inde extrahendo, vel prohibita ibi exercendo, & demum irreverenter se habendo: si fecit iniuriam reliquijs, vel imaginibus sanctorum, vel irreverenter sese habuit ad res sacras: si percussit, aut vim intulit, vel vestigalia, & prohibita exegit à personis ecclesiasticis.

*Circa omissiones.*

Si Sacrificium missæ sine rationabili causa omisit, vel irreverenter audiuit, confabulando, aut aliquid non honestè agendo. Si non ieiunavit, cum teneretur, aut cibis vetitis usus est: si decimas debitas non solvit: si sacramentum confirmationis neglexit pro se aut pro suis: si non est confessus debito tempore & modo, præcipuè si in ijs deficiat, propter quæ est iteranda confessio: si non communicavit, aut non bene, id est, in peccato mortali, vel non ieiunus: si neglexit ire ad predicationes: si non dixit officium ad quod tenebatur, vel vagabatur mente ex proposito, illud dicens, vel sic occupabat se, ut non posset attendere, vel non expressit integre dictiones.

*Circa quartum, Honora patrem tuum &c.*

*Circa cogitationes.*

**P**rimò qui parentum mortem aut superiorum optat, ob hæreditatem, vel quamvis aliâ causam. qui nimio amore ad parentes afficitur qui impatiens est, & indignabundus, vel irreuerens cum eis.

*Circa verba.*

Qui duris verbis eos offendunt præsentem, vel eis detrahunt absentibus.

*Circa opera.*

Qui eosdem parentes, & superiores, aut coniungem, aut liberos, aut familiam malè tractavit: qui malè subditis imperat, & eos malè gubernat.

*Circa omissiones.*

Qui parentes non honoravit, vel eis non subuenit in necessitatibus: qui eorum consolationem negligunt viventium, & mortuorum suffragia: vel non explent ultimam eorum, à quibus hæredes relinquuntur, voluntatem in testamentis expressam: similiter de iunctis sanguine, patria, ac beneuolis: qui prælatis, principibus, dominis temporalibus, & in dignitate cōstitutis, nō præstant obseruantiam, & subiectionem quam debent: qui ex contemptu, vel in rebus maioris momenti non obediunt quibus debent: si statutis, & legibus, quibus subiacebat non obtemperavit, immò rebellis fuit. Hic de ingratitude, contemnendo, vel non agnoscendo, vel obliuiscendo beneficium, vel benefactorem, nō habendo animum retribuendi, vel reddendo malum pro bono. Qui non tolerauit infirmitatem proximorum. Hic & de inhumanitate in paupe-

res, si habens superflua ad decentiam status, non subleuauit eorum inopiam, vel constitutis in extrema necessitate non subuenit, si superflua ad necessitatem naturæ, licet non ad decentiam status, ei suppetebant.

*Circa quintum præceptum, Non occides, sub quo  
octauum, quibus nocumentum in perso-  
nam & famam proximi pro-  
hibetur.*

*Circa cogitationes.*

**I**nterroget primò de odio, quo mortem, vulne-  
ra infamiam, &c. aliorum desiderauit: deinde  
de ira & impatientia, qua mouetur erga alios,  
optando vindictam, &c. de inuidia, qua gaudet de  
malo alterius, dolet de bono, agrè fert aliorum lau-  
dem: de voluntate mala quacunque ex causa, qua  
deliberatè aliorum malum, in anima, corpore vel  
honore voluit, &c. de iudicio temerario quo dam-  
nat facta vel dicta, vel animum alterius, & de su-  
spicionibus sine ratione, & de interpretatione  
peiores in partem: de ira in seipsum, & suæ mor-  
tis desiderio, ex mala causa.

*De verbis.*

**P**rogrediendo vltius, interroga de verbis  
ad malum proximi tendentibus, vt de con-  
silio vel exhortatione ad malum aliquod in-  
ferendum proximis. De mendacijs in iudicio, tam  
testis, si falsum testimonium dixit, quàm accusa-  
toris, si calumniatus est, vel iudicis, rei, aduocati,

procuratoris, si mēiti sunt in aliquo, loquēdo, vel tacendo verum, vel sophisticè nō ad mentem iudicis dicendo. De mendacijs etiam extra iudicium, in damnum animæ vel corporis, vel famæ, quæ pernitiosa dicuntur. Hic de detractione aliorum, dicendo vel audiendo libenter falsa omnino, vel ex parte, vel sine necessitate: præcipuè si cum intentione infamiae inferendæ, vel si res gravissima asseruntur. Præterea de contumelia, litibus, irrisionibus, maledictionibus vel malis imprecationibus, & susurrationibus, quibus odium vel inimicitia huius in illum excitatur, vel alitur: de clamore, exprobratione defectuum, & iniuriis. Adde his, aliquem laudare de opere, quod peccatum est, vel id approbare, quod adulatorū est. Adde detractionem sui, nocendo famæ propriæ, sine causâ rationi consentanea.

*Circa opera.*

Pete de occisione, vulnere, percussione, vinculis, tormentis, exilio contra iusticiam: si tenuit infantem in lecto cum periculo suffocationis: si procuraverit sterilitatem, vel abortū ante vivificatum fœtum, vel post: si cōcilavit, vel fovit inimicitias, si fecit vel iuit ad bellum iniustum, scienter, vel ad id, de cuius æquitate non constabat, sua sponte, non ad actus superioris mandato excusante. Hic de simultatibus, rixis, seditionibus. Præterea de punitione infantis, gravius aut leuius quàm meretur, vel malo animo, vel contra legum dispositionem. Huc reducitur peccatum quo quis exemplo præbet scandalum, comitatur, vel iuvat alios ad mala, bo-

eorum mores corrumpit trahendo ad dissolutionem, vel impediendo eorum bona, reuocando ab his quæ sunt pietatis, per irrisiones, quique doctrinam peruersam docet, & demum qui ad quoduis peccatum alios inducit, & etiã quo quis sibi mortem accelerat, per crapulam, aut alia illicita, aut percutit seipsum ex ira, aut facit contra conscientiam, quod putat vel de quo dubitat, quod sit peccatum, aut se peccandi periculo exponit.

*Circa omissiones.*

Cùm non adiuuant aliquem in periculis animæ, aut corporis si possunt, cum non defendunt famam proximi insultè diffamati, cum nolunt reconciliari his quos offenderunt, veniam petendo, vel poscentibus veniam condonare, et remittere offensionem ex animo recusent, imò subtrahunt communia beneficia, cum delinquentes nō admonent & corripiunt vt oportet, præsertim si eis ex officio incumbit.

*Circa sextum, Non mæchaberis, ad quod refertur nonum, Non concupisces uxorem proximi tui.*

*Circa cogitationes.*

**D**E cogitationibus venereorum & desiderijs morosis, præcipuè si cū deliberatione, in omnibus modis libidinis mox attingendis.

*Circa verba.*

De progressu eorum ad verba inhonestè dicta, vel audita, ad hunc finem, vel quouis modo. Hic de literis aut nuncijs, &c.

*Circa*

*Circa opera.*

Demum de opere, ut de affectibus inhonestis, nutibus, munusculis, ornatu, ad malum finem placendi ordinato, de actibus ip[s]is inhonestis, ut osculis, tactibus impudicis, de quibus agens cum coniugatis illud duntaxat inquire, an his tactibus periculo pollutionis se exposuerint ceteros admonere, mortale in eis peccatum admitti. Demum inquire de peccato carnis consummato, cum solutis, vel coniugatis, vel consanguineis, & affinibus, vel consecratis ordine, aut voto, aut postquam ipse ordine aut voto castitatis se deuinxit, vel contra naturæ ordinem per molliciem in seipso, vel per nefanda peccata cum alijs.

*Circa omissiones.*

Omissione verò peccatur, non reddendo debitum coniugi, se non armando contra tentationes carnis, nec occasione remouendo eius peccati.

*Circa septimum, Non furaberis, cui adiungitur  
decimum, Non concupisces  
rem proximi.*

*Circa cogitationes.*

**A**ffectus habendi insatiabilis, sollicitudo inquieta in acquirendis rebus temporalibus, cupiditas bonorum ecclesiasticorum vel aliorum etiam per vias non licitas, voluntas inordinata accipiendi, vel retinendi aliena.



*Circa verba.*

Hinc fit progressus ad verba, & peccatur per mendacia in iudicio, & extra, ad damnum proximi in rebus perrinentia, & per quævis alia verba, quæ ad hoc faciunt.

*Circa opera.*

Si furatus est, & quantum: si iniuste acquisiuit ut per simoniam, vel ex naufragio, vel per fraudem incendo vel vendendo, circa rem aureius substantiam, aut qualitatem, aut quantitatem, aut precium: si contractus usurarios, vel societates & cambia non iuste exercuit: si rapuit per vim aliena, vel sua à quieto possessore, cum aliter recuperare posset: si usus est adulterina moneta, licet ab alijs deceptus: si inuenia non restituit, quæ non habentur pro derelictis: si fraude in lusu usus est: si damnum inruit rebus proximi: si usurpauit bonum commune: si imposuit, vel exegit vestigalia indebitè: si alijs operam suam locando, fideliter non operatur: si ut egenus mendicauit, cum non egeret. Adde profusionem, vel prodigalitatem, quæ extremum alterum, auaritiæ contrarium est.

*Circa omissiones.*

Hic de tenacitate, thesaurizando quod alijs communicatum oportuit, ut si possideatur potius quàm possideat bona, & si non restituat quæ debet.

*De superbia.**Circa cogitationes.*

Peccat

**P**eccat qui existimauit bonum quod habet, ex se habere, vel à Deo quidem, sed proprijs meritis: vel qui arrogat sibi quod non habet, aut amplius quàm habet. si alijs despectis singularis voluit apparere: si ægrè tulit reprehensionem, nec fateri voluit culpam quam fateri tenebatur. Adde præsumptionem, obstinationem, impœnitentiam, curiositatem in addiscendis quæ non oportet: nolle subijcere suum iudicium superiori: nimis efferri prosperis, nimis virtuti suæ confidere, ac proinde pericula peccandi non timere.

*Circa verba.*

Si pertinax, si impugnator veritatis fuit, si gloriatur non vt oportet, præcipuè de peccato, si defendit suos errores, vel excusat: adde iactantiam.

*Circa opera.*

De ambitione, quærendo honores & prælationes, &c. vlturpando in locis vel sedibus honorem, qui non eis conuenit, excedendo in vestimentis, aut comitatu.

*Circa omissiones.*

Gratias agere de beneficijs contemnendo.

*De Gula.*

**S**i solliciti sunt de præparatione, si antè tempus, si crebrò, si auidè, si multum, si nimia cum voluptate comedant, aut bibant.

*De Acedia.*

*Circa cogitationes.*

**F**astidium bonorum operum, deiection animi ex aduersis, paruipendere in se dona Dei, cogita-

itationes vagæ & ocioſæ, præcipuè in orando, tæ-  
dium præſentis vitæ non ex pijs cauſis, ſed quod  
non ſuccedant ex voto omnia, nolle natum eſt.

*Circa verba.*

De multis ocioſè dictis.

*Circa opera.*

Ob tempus malè contritum, vagis diſcurſibus,  
ludis, & ocio.

*Circa omiſſionem.*

Ob puſillanimitatem, qua ex animi deiectione  
ſuam ſalutem, & media ad eam negligunt, qua  
malunt in mileria manere, quàm laborare, qua ſe  
retrahunt à magnis operibus, quibus pares ſunt, qua  
ſamem bonam ſibi ereptam recuperare (quamvis  
contra Dei honorem, vel in aliorum incommodum  
id cedat) negligunt. Huc pertinet præſtinationo, &  
tarditas inchoandi emendationem, & bona opera:  
inconſummatio ceptorum bonorum operum. de-  
ſiſtere à propoſitis bonis: non excutere tentatio-  
nes, &c. De alijs capitulis ſatis dictum eſt in  
præceptis.

## I N T E R R O G A T O R I U M

*brenias in carmen redactum, memorie cauſa.*

*Circa primum præceptum.*

Corde vel ore negans, errore aut ſchiſmate ductus,  
Anceps, blaſphemus, qui tentat, qui malè cultor.  
Quemque ſuperſtitio grauat, aut cum demone paſſa.  
Deſperans, malè confidens, mundi, ne timore,

*Reſpo*

*Recta sineus, propria ignorans præcepta salutis  
Terrenis hærens nimium, ac diuina perosus.*

Circa secundum præceptum.

*Qui violat promissa Deo, quique asserit audax,  
Iurando falsa, aut temerè, quique improba vovet  
Inanità, alios nec ad id traxisse veretur.*

Circa tertium præceptum, sub quo  
præcepta Ecclesiæ.

*Quicumque operor vetitum, missam & ieiunia lin-  
quo.*

*Non persoluo preces, vetitis me immisceo sacris,  
Cum teneor non accedo, loca polluo sacra,  
Sacratas violo res, personamque profanum.*

Circa quartum præceptum.

*Non veneror, non morigeror, non adiuvo patrem,  
Coniuncto, nè pius, foueo aut humanus egenos.  
Cui teneor parere, & quem observare recuso,  
Proque bonis sæpè ingratus contraria reddo.*

Circa quintum præceptum, sub quo &  
octauum complectitur.

*Ex odio mortem, vel corporis infero damna.  
Quæro inimicitias, pugnas, iniustaque bella,  
Inuideo, accuso falsè, malè detr. ho fame,  
Vindictam iratus medior, conuitia, rixas.  
Ad peccata al. um induco, me sponie periclis  
Offero, me cedo impatiens, mortemque peropto.*

Circa

Circa sextum præceptum, sub  
quo nonum.

*Extra coniugium Veneri qui cedit inique,  
Alterius violare thorum qui mente paratus,  
Qui loquitur lasciva, animis qui turpia versat,  
Per visus, nutus, tactus, malè tendit adulter  
Ad scelus, incestum admittit cum sanguine iuncta,  
Cumque intasta viro stuprum, Christoque dicatam  
Sacrilegium violat, scelera huius adiunge nefanda.*

Circa septimum præceptum, cui  
adiungitur decimum.

*Rem cupio alterius, damnum fero, fraude, rapina,  
Usurpo, aut teneo, non sum satiabilis, opto  
Per fas atque nefas ditari: usura, malique  
Contractus, & lucra placent inhonesta: propinqui  
Mentior in damnum: malè ludo, sumque profusus.*

De superbia.

*Non accepta Deo refero bona: vel mea certè  
Ob merita accepisse reor: sæpè arrogo que in me  
Non sunt: aut certè videor præcellere cunctis,  
Ambitione tumens, verum impugnare paratus,  
Atque obstinatus proprium defendere sensum,  
Nec solitus proprias vlla in re agnoscere culpas  
Iudico, contemno, derideo resque hominesque,  
Scire volo & facere aggredior superantia vires,  
Peccandi baud timeo fretus virtute pericla.*

De acedia.

*Non bene ago, sed & astra dolent, me adversa res  
pente  
Deijciunt, & dona Dei mihi tradita temno:*

*Virtutūque labor grauis est, magis otia pigrum  
Delectant, refugit mens ardua: sæpè vagatur;  
Spirituale bonū tædet curare: remissius  
Ad bona quæ teneor, diuina exhorreo inssa.*

### De gula.

*Sollicitus parò lauitias, & tempus edendi  
Præuenio, vetitis, crebrò cupideque nimisque  
Delector: vextri demum omnem deferò cultum.*

De alijs capitalibus dictum est  
in præceptis.

### QUÆDAM DE STATIBVS VARIIIS & primò de dominis tempo- ralibus.

**P**rimò, de dominio iniuste quesito. Secundò,  
si exigunt collectas, vel vectigalia indebita,  
vel instituta propter aliquid, quod nō sit, vel  
propter fecunditatem viarum, quæ non sunt secu-  
ræ. Tertio, si dant officia his, de quibus præsumi-  
tur quod erunt inutiles, vel iniusti. Quarto, si sci-  
unt maleficia, & possunt prohibere, & non prohi-  
bent. Quintò, si nimis grauant subditos, rerum  
temporum conditione inspecta. Sextò, si usur-  
pant quæ sunt communitaris, quæ cum fructibus  
tenentur restituere. Sic de his quæ sunt particula-  
rium virorum vel mortuorum. Septimò, si serui-  
tia personarum vel iumentorum indebita exigunt.  
Octauò, si permittunt mala, vt vsuras, quas non  
oportuit. Nond, si parte ius petente, tamen con-  
donant offensam, &c.

*De Episcopis.*

**P**rimò, renuere prælaturam iniunctam à superiore per præceptum, si impedimentum vel ipse vel prælatus potest remouere, nec requiritur vt sciat se sufficientem, sed vt non constet de opposito. Potest tamen petere absolutionem ab officio, si videt animas commissas non proficere suo vel ipsarum defectu, vel per alium melius gubernari posse. Secundò, gregem deferere personaliter, si videat quod subditorum salus exigit pastoris præsentiam, & alioqui non residere, præterq̃ in casibus, & tempore à Concilio Tridentino expressis. Tertio, non quærere defectus subditorum vt corrigantur, quâdo fama, vel quod mouere merito debeat, ad eius aures venit. Quarto, dare auctoritatem non Episcopis, in ijs quæ propriè pertinent ad officium episcopale, vt ordinare, chrysomare, &c. potest tamen committere, quæ pertinent ad dignitatem ( præter insignia ) vt iudicare de clericis, & quæ sunt iurisdictionis. Quintò, cõferre ordines indignis, & Ecclesiastica beneficia. Sextò, cõsecrare non virgines vt virgines. Septimò, si nõ intersint diuino officio saltem dominicis diebus. Octauò, si nõ visitant, nõ inquirunt, & propi-  
dent vt debent. Nonò, si non instituunt predicator-  
es in Ecclesia cathedrali potêtes opere & sermone,  
& alibi, vbi tenentur. Decimò, si non celebrant  
synodum omni anno, admonendo clericos, legen-  
do constitutiones, &c. Vndecimò, si non proui-  
deant de idoneis ministris, vicario, assessoribus, no-  
tario. Duodecimò, si negligant executionem le-

gatorum, ad se deuolutorum. Decimotertio, si non faciunt chryisma singulis annis. Decimoquarto, si non dispensant redditus suos, & pauperibus, & Ecclesiæ, ut debent. Decimoquinto, si negligunt ut magistri instituuntur ad docendum opportuna. Decimosexto, si negligant pascere oves sibi creditas. Ex his autem, in his quæ sunt mala secundum se, peccatur mortaliter: ut conferendo ordines indignis: in his verò quæ sunt mala propter aliud, id est, mala quæ inde oriuntur, iudicanda sunt tam grauià quàm est bonum, quo oves priuantur, & malum quod sequitur. Decimosextimo, permittere notarium petere salariũ ad ordinandis: posset tamen aliquid accipere pro labore, dummodo Episcopus non participet in lucro. Decimooctauo, cõtemnere obseruationem canonum. Decimonono, per ignorantiam tantam ut decem præcepta, articulos fidei, virtutes, & vitia in generali, & sacramenta nesciat: nam & periuus est, respondendo in ordinatione quod sciat nouum & vetus testamentum. Vigesimo, de hæmonia in ordinibus, &c.

*De peccatõ iudicium.*

**E**X quinque peccatis contra ius diuinum, Primum, est iudicium iniustum. Secundum, est iudicium temerarium, ex non sufficientibus ad iudicium. Tertium, est vsurpatum, quando, personam vel opus non subditum iudicat. Quartum, iniusta remissio pœnæ, quæ graue peccatum esse solet, licet in pecuniariam commutetur. Quintum,



tum, negatio, seu dilatio iustitiæ, præsertim petitiæ, & tenetur de expensis & damnis illorum, quibus negatur vel differtur iustitia. Annexa peccata sunt innumera, quæ, scilicet, inducunt ad prædicta, ut odium, ambitio, timor mūdanus, &c. Circa ius positivum, tot peccata, quot prohibita transgrediuntur, ipsi dicant, & nominatim de acceptione donorum.

*De aduocato & procuratore.*

**P**rimò, assumens causam, quam nouit esse iniustam, de defendendam, licet caput aliquod iustum prosequatur. Secundò, nolens scrutari an causa sit iusta, vel iniusta. Tertio, prosequi causam, quam intelligit in ipsa tractatione iniustam, licet à principio putauerit iustam, & id tacere clienti. Quartò, non studere ad defendendam causam assumptam. Quintò, instruere clientem, ut dicat falsum, aut dolosè. Sextò, exigere ab eo plus quam debet. Septimò, nolle defendere in causa iusta pauperem, cum non appareat alius qui id faciat, si pauper opprimi creditur sine eius auxilio.

*De notarijs.*

**P**rimò, de periurio. Secundò, de falsis instrumentis. Tertio, de occultatis instrumentis, aut laceratis. Quartò, de facto instrumento illicito, ut usurarum quas norunt, &c.

*De matrimonio iunctis.*

**P**rimò, si sine tantum voluptatis actum matrimonialem exercerent, & modo non con-

teniente ad generationē, præcipuè si extra vas &c. Secundo, si in indispositione menstruorum, vel cum vxor est grauida., si cum periculo abortus, vel grauis damni id fit. Tertiò, si debitum negatur, nisi in periculo vitæ, vel egritudinis notabilis: vel cū petens, per fornicationem ius amisit. Quarto, si in loco sacro vel publico exercetur. Quintò, si coniugio ante benedictionem sponsæ. Sextò, si cui petit, votum habet castitatis simplex. Septimò si cum vxore adultera publica, vir commiscetur. Octauò, si matrimonium sit clandestinum. Nonò si nuptiæ fiunt tempore interdicto, quo ad benedictionem, & adductionem sponsæ & celebritatē conuiuij, vel si cum superflua vanitate. Decimò, si excommunicatus, vel in mortali, contraxit matrimonium. Undecimò, si cum personis coniunctis sanguine, vel affinitate in gradibus vetitis, vel in alio casu prohibito: sed tantum quare de impedimenti, de quibus est præsumptio. Duodecimò, si non prouidit familie de necessarijs. Tertiodecimò si exacerbauerit verbis vel factis coniugem, aut nimis zelotipus, vel remissus in cura fuit. Quartodecimò, de vxore, si inobediens, contentiosa, inculta, negligens in cura domus, si non sequitur domicilium viri, nisi trahat ad peccatum.

*De sacerdotibus, & alijs clericis.*

**P**Rimò, si quis accipit ordinem simoniacè, vel à simoniaco Episcopo, vel ante legitimā ætatem, vel in peccato mortali, vel excommunicatus, irregularis, aut suspensus erat. Secundo, si ijs censuris irritatus, vel in mortali ordinem exequatur

quatur. Tertiò, si non portavit tonsuram & habitum. Quartò, si negotia secularia exercuit, ludos, choreas, &c. Quintò, si officium ordinis sine debitis ornamentis exercuit. Sextò, si omisit horas canonicas, vel eas dicēdo exercet opera manualia, aut voluntariè vagatur, aut non integrè pronunciat. Septimò, de simonia in sacramentis, vel aliter in beneficijs, &c. Octauò, si omisit debitam materiā, vel formam, vel ritum in sacramentis: & interrogentur in specie rudiores, an sci-  
ant formam Baptismi, Eucharistię, & necessari-  
um sacramentorum. Nonò, si non confessus de  
mortali celebrauit habens confessariū, vel non di-  
ctis matutinis, si non ieiunus, si non cōmunica-  
uit, si tenuit immundos calices, si non curat at-  
tentionem, si non bene custodit ne aliquid cadat  
interram, si post pollutionem ex causa mortali  
celebrauit, si dixit missam ad maleficia. Decimò,  
si non celebrauit saltem in magnis solēnitatibus,  
vel plures eodem die missas (præterquam in die  
Natalis Domini) dixit sine licentia. Undecimò,  
si absoluit quem non poterat, si revelauit confes-  
sionem, & nimis festinauit in audiendis confes-  
sionibus, si non consuluit peritiores in dubijs, si  
pœnitentiam male iniunxit, si interrogat que non  
debet. Duodecimò, si predicat mendacium, vel cu-  
riosa, vel iocosa, vel indulgentias indiscretas, vel si-  
moniacę, vel ob gloriam, vel sine licentia. Decimo  
tertiò, si familiaritates habuit cum mulieribus, vel  
inhonestè eas aspexit. Decimocuartò, in his qui ha-  
bent redditus Ecclesiasticos de mala eorum di-  
spensatione.

*De religiosis.*

**P**rimò, de ingressu, si per simoniam. Secundò, de intentione non bona, vt non laborandi, &c. quæ rectificari potest. Tertiò, si reticuit impedimenta, vt infirmitates &c. Quartò, si habens votum Religionis arctioris, non habuit dispensationem ante ingressum laxioris. Quintò, si mentiendo, vel reticendo asperitatem inducunt alios ad ingressum, vel auertunt à melioribus. Sextò, de non obseruata castitate, paupertate, vel obedientia superioris, aut constitutionum. Septimò, circa officium, si non fecit quod tenebatur. Octauò, de mala electione Prælati, vel inordinato affectu ad quamuis personam. Nond, si in visitatione Prælatorum non reuelauit dicenda. Decimò, de ceremonijs principalioribus, vt esu carniū prohibito, &c. Undecimò, si tempus otio, vel inutilibus operibus mundanis consumpsit. Duodecimò, de dissolutione, murmure, impatentia, negligentia in orando pro alijs, ac se præparando ad sacramenta, &c. Tertiodecimò, de amore consanguineorū, & affectu ad temporalia, & locutione de rebus secularibus. Quartodecimò, de dimisso habitu.

*De Doctõribus.*

**P**rimò, si doctores, qui legunt medicinam, vel leges, admittant scienter Religiosos, vel sacerdotes vel quoscunque in dignitate constitutos clericos: et qui legunt alias scientias, etiam Theologiam, si admittant religiosos sine licentia suorum

suorum prælatorum, vel habitu dimisso. Secundò, si habens salarium vel beneficium sufficiens, exigit à discipulis, præcipuè pauperibus, aliquid oblata potest accipere idoneus. Tertio, si magisterium requirit, vel recipit valde ignorans, vel alios admittit ( & in theologicis videtur mortale Antonino ) vel quærit gradus ad malos fines. Quarto, si docuit publicè sacras scripturas ac Theologiam existens in mortali. Quintò, si scientiæ prohibitis studuit, vel eas legit. Sextò, si non adhibuit diligentiam, ut discipuli proficerent in moribus & scientia. Septimò, si iuramenta vniuersitatis non impleuit. Octauò, de iactantia, detractione, inuidia aliorum professorum. Nondò, si ab illis scholasticos ad se traxit, aut sectas nutriuit.

*De scholasticis.*

**P**rimò, si non obediunt Magistris, in quibus tenentur. Secundò, si rixantur inter se. Tertio, si magistrum minus aptum elegerint ex causa iniusta. Quarto, de dimissis ieiunijs, missa, sacramentis. Quintò, si contendunt contra veritatem. Sextò, si superbiunt ex scientia. Septimò, si malum finem intendunt. Octauò, si negligentes sunt in studio. Nondò, si nimis intendunt libris turpibus.

*De mercatoribus & artificibus.*

**P**rimò, de cambijs iniustis. Secundò, de varijs vsuræ palliatæ modis, ut si minoris emit, propter anticipatam solutionem, vel plus iure vendidit, propter expectationem temporis,  
D 5 vel

vel emit agrum cū pacto de retrouendendo minoris medietate iusti pretij, vel certè minoris multo quàm iustum sit: ita vt non sit ibi vera emptio & venditio, quæ si esset, iniustus esset, sed non vsurarius cōtractus. Tertiò, si ad infideles ferrū vel arma portarūt, sine licentia Papæ, vel cū ea si in p̄iudiciū Christianorū id cederet, licet tunc in excōmunicationem non inciderent. Quartò, de monopolijs, si conueniunt cū alijs ne vendant, nisi aliquo pretio maiori quàm sit æquum. Quintò, si mutuunt, sperādo lucrū ex mutuo. Sextò, si fraudarūt vectigalia, & gabellas iustas. Septimò, si dederūt falsas monetas scienter, vel diminutas pro bonis. Octauò, si quis in societate cum alijs non fideliter se habuit, occulta lucra sibi retinens. Nonò, si emit res furatas, vel raptas. Decimò, si periurijs & mendacijs vsus est vendēdo, &c. Vndecimò, si negotiatur diebus festis sine necessitate, emendō, vēdendo, ratiocinia faciendo, nisi ad modicū tempus. Duodecimò, si mediator fuit malorū contractuū. Tertio decimò, si artē habet cuius opus est tantū ad peccatum, vt idōla, tenetur dimittere: si ferè ad peccatum, vt qui taxillos facit vel fucū, istos exhortari oportet, vt dimittāt artē, & omnino iniungere, ne vendant ijs quos sciunt male vsuros. Quartodecimò, de dolo in mensuris, &c. Quintodecimò, si nō ieiunauit, dum posset, moderando laborem.

*De medico.*

**P**rimò, ante cognitam ægritudinem temerè curando, vel dū tentat & explorat morbum adhibendo periculosa. Secundò, post cogni-

tum

tem morbum, temerè etiam curando, dum negligere studere, aut visitare, aut consulere, aut mutare sententiam, vocando potius in dubium rectam curationem alterius. Tertio, si medicinam incertam in periculum vitæ experitur. Quarto, si consulunt quid facere contra salutem animæ, aut non movent, ut aduocent Medicos animarum, cum opus est.

*De Pueris.*

**P**rimò, de mendacijs, periurijs, votis non impletis. Secundò, de omissione Missæ, & confessionis, & cõmunione. Tertiò, de irreuerentia Patris, vel Magistri. Quarto, de furtis. Quintò, de verbis turpibus, contumelijs, detractiõibus, rixis. Sextò, de carnalibus à longè (ne discant qui incorrupti sunt) interrogentur. maximè puellæ.

**DE PROPRIIS REMEDIJS**  
*peccatorum.*

*Contra Superbiam.*

**P**rimò, cõsideratio propriæ vilitatis, & defectuum animæ, & corporis, & exteriorum. Secundò, obseruare meliores se, & præcipuè Christum, qui nos ad sui imitationem hortatur dicens: Discite à me, quia mitis sũ, & humilis corde, &c. Tertiò, animaduertere superbiorũ seruitutẽ, et ignominiam, qui à dignitate filiorũ Dei decidunt, & fiunt demonis abiecta mancipia, qui rex est super omnes filios super-

superbiæ. Quartò, versari cum humilibus ac modestis. Quintò, in vestitu, domo, atque omnibus operationibus externis, quantum decorum status cuiusque fert, sese demittere.

*Contra Vanam gloriam.*

**P**rimò, sua abscondere. Secundò, ad defectus proprios mentem reflectere. Tertiò, honorem & laudem oblatam statim offerre Deo auctori totius boni.

*Contra Avaritiam.*

**P**rimò, efficacissimum remedium, omnia relinquere. Secundò, animadvertere magnitudinem pibus non magis satiari animum, quam exiguis: ac proinde minuendam esse cupiditatem potius, quam diuitias cumulandas. Tertiò, considerare omnia breui esse relinquenda, nisi quæ promissa per manus pauperum fuerint. Quartò, cogitare quanta fuerit Christi paupertas, & sanctorum qui illum sunt imitati. Quinto, confidere Deo, qui passerculos alit, & dicit: Quærite primum regnum Dei, & iustitiam eius, & cæterea adiicientur vobis. Sextò, recedere à societate avarorum: & cum illis agere, qui temporalia negligunt. Septimò, mirari cœlestes diuitias, & bona illa infinita, certa, iucundissima, & semper duratura.

*Contra Luxuriam.*

**P**rimò, fugere conspectum, & multò magis familiaritatem eam quæ ad libidinem inflamat. Secundò, recedere à conuictu illorum, qui suo exemplo ad libidinem excitant. Tertiò, otium fugere, & honestis exercitijs semper vacare. Quar-



id, non nutrire corpus delicatè, sed potius amare abstinentiam, maximè à vinis fortioribus, & cibis calidioribus. Quintò, repellere statim malas cogitationes, & sensus custodire. Sextò, dolorem aliquem voluntarium assumere, præsertim virgenecarnis tentatione.

*Contra iram propriam.*

**P**rimò, parare se ad verba & actus, quæ solent ad iram incitare, patienter toleranda. Secundò, intelligere, patienti non nocere iniuriam, sed potius inferenti, & quantum iniuriarum pro nobis Christus passus sit, cui referemus gratiam tantorum beneficiorum, si patienter iniuriam sustinebimus. Tertìò, conuertat se ad aliud quippiam agendum, mentem diuertens ab iniuria. Quartò, saltem linguam & manus comprimat, & accensam iram in pectore extinguat.

*Contra iram alterius.*

**P**rimò, mollis sermo frágit iram, durus furorè suscitatur. Secundò, tace, vel deflecte ab irati conspectu.

*Contra Inuidiam.*

**P**rimò, non amare terrena. Secundò, cogitare quàm sit inutilis inuidia, quæ tantùm confert ad peccandù, & inuidi cruciatum. Tertìò, quàm sit inhonestà, cum vel sanguinem teneamur effundere pro nostris proximis, si res postulerit. Quartò, id expende: si alius careret bono quod tu illi inuides, non ideo tu melius haberes: si igitur inuidia nihil tibi conducit, nec ad

temporalia , nec ad famiam , nec ad virtutem , & animum cruciat, & à Deo auertit, euare non illam abijcies? Quintò , cogita quicquid iuuat & accendit charitatem fraternam &c.

*Contra odium proprium.*

**P**rimò , animaduvertere Dei vindictam , qui non dimittit, nisi dimiserimus. Secundò , qui alium odit, sibi plus nocet quàm illi , cùm se in statu peccati mortalis constituat. Tertid , ignoscere tandem aliquando debemus , si perire nolumus in sempiternum. Melius est ergo citò ignoscere, & periculũ euadere, ne etiam sine merito vita transigatur, & vt Christo in ea placeamus.

*Contra odium alterius.*

**P**rimò , benefacere. Secundò , inferuire. Tertid , submittere sese.

*Contra gulam.*

**P**rimò , remouere quę possunt gulam irritare, qualis est ciborum suauitas, varietas & condimenta. Secundò , considerare bestiarum hanc esse voluptatem potius, quàm hominum, quę intellectum obfuscat , bona desideria extinguit, vitam reddit breuiorem, imò animalia bruta non plus indulgent cibo, quàm necessitas postulat. Tertid , præcedens deliberatio multum confert.

*Contra acediam.*

**P**rimò , crebra beneficiorum Dei recordatio, quę

quæ amorem excitat. Secundò, vicinam mortem, quæ bene operandi tempus aufert, meminisse. Tertio, pœnarum & præmiorum æternorum cogitatio. Quarto, deditos ocio fugere & sectari diligentes.

*Remedia vniuersalia.*

**P**rimò, summum & vniuersale remedium ad omnia vitia extirpanda, et inserendas virtutes, est frequens oratio cum fiducia. Secundò, frequens confessio, & quæ statim cum in aliquod lapsus fueris peccatum, fieri debeat. Tertio, frequens sumptio Eucharistiæ. Quarto, fugere improbum, & sectari bonorum societatem. Quintò, lectio piorum auctorum, & sacræ scripturæ præcipuè. Sextò, meditatio passionis Christi. Septimò, considerare vitam sanctorum. Octauò, præsentiam Diuinæ maiestatis & Angelorum. Nonò, mortem certam. Decimò, iustitiam diuinam per exempla illorum, quos puniuit. Undecimò, futurum iudicium. Duodecimò, pœnam damnatorum. Decimotertio, gaudium & foelicitatem Paradisi.

*Quomodo his armis vtendum ad vitia superanda.*

**P**rimò, ab effectibus, id est, peccatis inuestigare oportet radicem, vnde cætera vitia pullulant. Vnum enim aut alterum solet esse vitium duntaxat præcipuum in vnoquoque homine, quod reliqua generat, quo sublato, etiam illa quæ ab eo oriebantur interibunt. Secundò, memoria tenere remedia contra illud, vt cum opus fuerit adhibeant.

beantur. Tertiò, cum vno aut altero, peculiari diligentia pugnabis ( etsi omnia in genere odio habeas, necesse est ) donec illud abstuleris, aut ita debilitaueris, vt vel non repugnet, vel facile comprimatur. Contra hunc hostem crebrò renouandum est propositum, acuenda ira in illum, proprijsque armis cum eo pugnandum est: adhibenda sunt etiam remedia comunia, & circa id examen, cōscientiæ quotidianum versetur. Nam si hodie vnum aggrediaris, crastino die alterum, nullum tandem superabis. Quartò, necessaria est animi magnitudo, ad ineundum certamen, & victoriam sperandam, licet ardua & operosa futura sit. Certum victoriæ signum est, victoriam magnanimiter sperare. Quintò, perseuerantia in certando opus est, nec despondere animum oportet, licet millies cadas, surge ergo & pugna. Victus est ille solùm, qui armis & voluntate pugnandi abiectis, se aduersario turpiter dedit. Et licet profectus aliquamdiu minimè cernatur, non ideo nihil profecisti. Nam vt horologii vmbra progressam videmus, progredientem non cernimus: & segetes creuisse apparet, non apparet crescere, ita virtutem crescentem, quoniam minutis constat auctibus, non facile videas, sed tandem longiori interuallo creuisse videas: sed & labor ille pugnandi, humilitas, & patientia, sustinenti non exiguus est profectus.

## D E R E S T I T U T I O N E .

**N**terea, quorum confessorio necessaria est cognitio, vel in primis restitutio est : per quam satis fit , pro re ablata, vel damno, vel iniuria. Est autem cōfidentibus necessaria, quia sicut accipe re alienum , ita & tenere inuito domino , mortale est . Quæ sunt obseruanda circa restitutionem , his duobus versibus adnotantur.

*Quis, cui, quid, quantum, vel vbi, quo tempore  
quòue  
Ordine restituas : sic pie lector habe.*

Prius tamen intelligendum est , cum loquimur de restitutione rei alienæ acceptæ , tã de acceptione iniusta, vt ex rapina, &c. quàm de retentione nō iusta , vt ex mutuo ( quæ breuitatis gratia sub acceptionis nomine conprehen-detur ) nos loqui.

*Quis debeat restituere.*

**T**enetur restituere, quicumque fuit causa iniustæ acceptionis: & si multi fuerunt causa, omnes tenentur. Decem autem modis, iniustæ acceptionis causa esse quis potest , qui his versibus continentur.

*Restituat, capiens aliena, eiusque minister.  
Iussio, consilium, consensus, lamque comesque.  
Qui recipit, mutui, non obstands, non manifestans.*

Primus ergo est , qui per se exequitur , siue proprio motu, lucro & siue alieno, vt minister v'sura-

rii, qui contractus facit ex auctoritate domini delegata, & vulnerans ex domini sui mandato. Secundus est, iubens, qui tenetur, quando ex sua iussione secuta est actio iniusta: Aut ratum habens quod ipsius nomine factum est, impedit restitutionem. Tertius est, cōsulens efficaciter: ita vt ex consilio tali moueatur quis ad perpetrandā actionem iniustam, si effectus secutus fuerit. Quartus est, consentiens, sine cuius consensu, non sequeretur actus: secus si sine tali consensu fuisset secutus. Quintus est, adulator, quando ex laudatione, & adulatione tanquam ex causa vel concausa sequitur effectus. Sextus, est particeps malæ actionis, vt comes, mediator, vel qui alteri in crimine participat, quando est concausa iniustæ acceptionis. Septimus est, receptator talium. Est enim causa maleficii, præbendo eis securitatem, & custodiam prædæ: unde furēs animosius & securius furantur. Secus si nō receperit tales vt fuiarentur. Octauus est, mutus, id est, qui potest & debet loqui, reprehendēdo, mandando, & huiusmodi, & non facit. Nonus, non obstants, id est, non impediens actionem iniustam, quam potest, & debet impedire: sicut quibus incumbit ex officio. Decimus, non manifestans inuālorē malæ actionis, quando potest & tenetur: vt testis in iudicio vocatus, & custodes vinearum, & huiusmodi, qui tenentur ad damna, quæ proximus patitur ex defectu manifestationis, quatenus nō manifestare causa fuit damni: & quod in his tribus casibus dicitur, qui potest, et debet: intelligunt aliqui Doctores obligationē restitutionis solū de his quibus ex officio incumbit.

Quilibet ex supradictis, quando secutū est damnum, tenetur in solidū restituere id cuius fuit causa vel concausa, siue sit pars, siue totum. Si verò alij restituerint pro parte sua, teneretur tantum pro reliquo satisfacere damnum perpesto. Quod si qui principales fuerunt in damno dando, ceterosque induxerūt, totum restituiscent, reliqui ad nullam restitutionem tenerentur.

*Cui debet fieri restitutio.*

**D**istinctione opus est. Si restitutio fit ex sola re aliena, que apud aliquem reperitur, communiter restitui debet ei cui debetur (si sciatur) scilicet domino rei, siue sit Ecclesiasticus siue laicus. Sed si esset prælatus dissipator bonorū Ecclesiæ, deberet Ecclesiæ restitui, habito (si fieri potest) superioris consensu.

Si nescitur dominus rei, vel ad ipsum non potest esse accessus, vel non sine periculo, & scandalo, restituitur Christo omnium domino, dando pauperibus, postquam expectatum fuerit quantum laus sit, si sperabatur fieri posse, ut Domino restituitur.

Si restitutio fit ex iniusta acceptione, quando etiam datio est prohibita (ut cum ordinis sacri administrator recipit pecuniam, &c.) restitutio non fit danti, sed ei in cuius iniuriam pecunia data est, siue sit Ecclesia, siue homo aliquis, vel certè Christo omnium hæredi.

Si ex sola acceptione iniusta oritur obligatio restitutionis, nec datio iniusta fuit, ut in usura, de-

bet restitui damnificato, ita ut concurrant ista duo simul, iniusta acceptio, & damnum, quod sequatur ex iniusta acceptance. Vnde qui pign<sup>9</sup> furatur à mercatore, eidem mercatori debet restituere: posset tñ in foro conscientie domino pignoris restituere, dummodo mercator damnum non patiatur. Similiter si rem furatam quis furetur, domino restituat, sed fur intelligat se non teneri ad restituendum amplius.

Si persona cui fieri debet restitutio est mortua, dabitur hæredibus: si ignorantur, facta inquisitione debita, dabitur Christo in suis pauperibus: si distat, & faciliter ac fideliter ad eum mitti possit, si res est magni valoris, debet ad dominum mitti, expensis & damno detinentis iniuste: si non potest transmitti, & res est parui valoris, posset dari eius propinquis, vel pauperi cœnobio, arbitrio boni viri, cum pacto, ut veniente domino eidem restitueretur, si res seruari possit: si usurarius ijs qui à loco usuræ recesserunt, velit restituere usuras, expensis ipsorum potest mittere: si ipsemet usurarius recessit, suis mittet expensis.

Non semper res debet restitui illi, cuius est, vel à quo accepta est, quando scilicet ei est damnosa, utensem furioso, &c. sed potest seruari hæredibus.

Si prohibetur causa tantum, non acceptio, ut in turpi lucro meretricio, &c. non necesse est restituere, nisi interuenerit fraus vel illicita extorsio, vel acceptum est ab eo qui alienare non potest: debet tamen consuli illis, ut dent pauperibus, similiter de acquisitis per ludum.



Bona incerta restitutioni obnoxia, quando non potest inueniri dominus facta diligenti inquisitione, dentur pauperibus, arbitrio illius qui habet, vel confessoris.

Inuenta quæ nunquam habuerunt dominum, vel cuius non extat memoria, vel qui non curat de ijs, sunt inuenientis. Si habuerunt, vel habent dominum, restituenda sunt domino rei: si facta diligenti inquisitione nō inuenitur dominus, possunt dari pauperibus, vel retineri ab inuentore paupere, de licentia confessoris.

De thesauro cuius Dominus nescitur, si inuenitur in proprio fundo totus est inuentoris: si in alieno inuenitur casu, medietas vna erit domini fundi, altera inuentoris, secundū Thomam: si studiosè quærendo inuenitur, cū licentia domini donantis, quia nō vult ipse quærere, tot⁹ est inuentoris. Si quærit contra vel præter voluntatem domini, totus erit domini. Si sciendo thesaurum esse in fundo, emitur fundus, videtur totus thesaurus esse ementis. Consuetudo autē, qua thesauri inuēti principibus reseruantur, nō obligat in conscientia, iuxta Doctorum quorundam sententias: Si tamen alicubi lex, aut consuetudo rationi consona aliud suaderet, eius esset habenda ratio.

*Quid reddendum.*

**R**eddendæ sunt res, & damna: si res existat, ipsa restituatur, nisi periculum scandali vel aliud timeretur, tunc enim ad arbitrium boni viri reddetur æquiualens. Si res non extat, vel facta est deterior, æquiualens reddatur.

Quicumq; habet rem alienam, tenetur illi restituere, cuius est, siue habeat bona fide siue nō. quod si habuit bona fide, vt si emit equum, credens esse vendentis, qui tamen non erat, si iam vendidit, tenetur restituere id, quo factus est locupletior et tali re, & non plus: si donatum accepisset, & vendidisset, totum pretium deberet restituere. Si vero habet apud se, tenetur restituere, etiam non habito precio ab eo, cuius res est: habet tamen actionem contra venditorem rei alienæ. Quod si mala fide emit rem alienam, cupiditate lucri, teneretur restituere rem illam si habet, vel æquiualens, si non habet, et lucrum quod ex ea acquisiuit: & licet fortius auferatur ab eo, non liberatur à restitutione. Quod si accepit rem, quam scit esse alienam non gratia lucri, sed agens fideliter negotium domini, ne res pereat, potest à spoliato repetere, quicquid expendit. Quod si dominus non inuenitur, dabit pauperibus, quod remanebat supra precium & expensas.

Impediens aliquem à consecutione cuiuscunq; boni licitè, ad nihil tenetur: si iniuste impediuit eum qui erat cōsequutus, tenetur ad equale: si propè erat vt assèqueretur, tenetur ad arbitriū boni hominis. Sic etiam impediens aliquem ab officio quod iuste exequitur, vt rusticum ab opere, & huiusmodi, nisi secundum rationem faciat, tenetur restituere, ad arbitrium boni hominis.

Impedientes creditorem modo illicito, ne possit

fit exigere à debitore, vt liberando eum à carcere, vel alio modo iniusto: et in genere damnum alteri iniuste inferens (maximè data opera) tenetur, si damnum est certum: ad omnia, si incertum, ad arbitrium boni hominis. Si res aliena pereat in manu illius, qui est in culpa ne reddatur domino, si equaliter apud dominum erat peritura, non tenetur de damno, secus si non erat peritura, vel antè Dominus eam erat venditurus, aut in suam vtilitatem distracturus.

Cedens bonis propter inopiam, si venerit ad pinguorem fortunam, tenetur in conscientia restituere, quod debet.

In damnis vitæ, membrorum, sanitatis, libertatis, honoris, famæ, virium, fructuum, damni emergentis, lucri cessantis & huiusmodi, prodamnis restitutio fiet, vt optimè poterit, ad arbitrium boni hominis.

Qui virginem seducendo, aut per vim deflorauit, eam ducere in vxorem tenetur, vel arbitrio boni viri ei satisfacere: quod si promissit se eam ducturum, tenetur ducere, nisi magnum inde scâdalum vel notabilis infamia sequeretur: quod si vel ipsa nubere, vel pater eam tradere nollet, tenetur arbitrio boni viri satisfacere: Si autem volentem deflorasset. non tenetur satisfacere, minus etiam in vxorem ducere.

*Quantum debet restitu.*

E +

Si

**S**I quātitas rei vel damni sit incerta, tantundē restituetur: si incertavt in iniurijs &c. quantū bonus & prudens homo iudicabit, cōsideratis circumstantijs singularibus, rei, temporis, loci, & personæ, & huiusmodi.

Posseffor bonæ fidei, si antequā currat præscriptio, aduertit rem quam possidet, non esse suam, in conscientia tenetur restituere rem integram, & fructus, in quibus est factus ditior, nisi hos possederit bona fide tribus annis: sicut etiam tenetur restituere rem ipsam & damna, & fructus perceptos tēpore malæ fidei, deductis expēsis factis gratia colligendorum, & quærendorum, & conservandorum fructuum: eadem ratio est de eo, qui non soluit legatum per multos annos: tenetur enim fructus etiam perceptos restituere.

*Vbi restitutio fieri debeat.*

**S**I restitutio est necessaria ptopter rem alienam, quam quis habet bona fide, fieri debet in loco vbi res habetur.

Si necessaria est restitutio ex iniusta acceptione, restituatur vbi dominus rei seruetur indemnis: & si quis grauandus est, occupator grauetur qui semper fuit in mora.

*De tempore restitutionis.*

**T**ENETUR quidem statim restituere, qui debet: includitur enim præceptum negativum, scilicet non tenere alienum: tamen illud statim, sic intellige, vt sit paratus animo ad restituendum,

dum,quàm citò commodè poterit : quantum verò ad executionem,debet restituere congruo tempore,seruatis debitis circumstantijs.

Tria verò possunt excusare à restitutione statim facienda. Primò, voluntas domini concedentis dilationem. Secundò , ignorantia rationabilis iuris vel facti. Tertiò, impotentia, de qua sex conclusionibus continetur doctorum sententia. Prima est, quod existens quis in extrema necessitate, non habens nisi necessaria vitæ suæ & suorum, non tenetur restituere statim: quia omnia sunt communia tunc temporis. Secunda est, qui restituendo non posset viuere,secundū decentiam sui stat⁹, etiam si dominus rei, qui nō est in tali, vel maiori necessitate, nolit dilationem dare, non tenetur statim restituere , debet tamen cauere, ne expensas faciat non necessarias, alioqui non excusaretur secundum rationem. Tertia est, quando restitutio est in damnum corporis, vel animæ domini, si statim fiat, non debet fieri statim. Quarta, si idem redundet in damnum, vel sit contra bonum commune. Quinta , si probabiliter futurum est in damnum famæ , vel vitæ , vel animæ ipsius restituentis, vel alterius : vel si ex hoc imminet periculum de aliquo peccato mortali, non debet fieri, nisi cessante tali periculo , quia hæc maiora sunt damna, quàm statim non restituere. Sexta, si restituere statim, redundat in paruū cōmodum creditoris , & in magnū damnuū debitoris : vt si opus esset artifici debitori, vendere instrumenta artis ex quauinit, ad restitutionem non tenetur: quia secū-

dum rationem debet ei dari dilatio. Secus esset si creditor esset in simili casu, quia nemo ut se commo-  
det, alium debet incommodare: quod si damnum  
non esset de proprijs, sed potius quia careret lu-  
cro magno, non excusatur à statim restituendo.  
Nota etiam, quod si damnosa esset dilatio credi-  
tori, nec statim restitueretur, ut evitaretur huius-  
modi magnum incommodum in proprijs. saltem  
ille indemnitas servari deberet.

Nota præterea, quod confessarij non debent  
huiusmodi poenitentes absolvere, antequam in ef-  
fectu restituant, si in alijs confessionibus absoluti,  
neglexerunt restituere.

Quod si debitor non potest habere dilationem  
à creditore, qui non est in necessitate, & ipse debi-  
tor potest restituere tunc sine magna incommo-  
ditate, tamen non vult, sed paratus est postea re-  
stituire, quia credit se non bene posse tunc, potest  
absolui, si promittat intra certum tempus restituere:  
quod si potest, & ipse in conscientia scit se tunc  
posse, & non vult, nullo modo est absolvendus,  
quia contritum non esse satis apparet.

*De ordine & modo in satisfactioni-  
bus tenendo.*

**Q**ui potest omnibus restituere, non necesse  
habet ordinem servare: sed omnibus statim  
( ut dictum est ) restituere. Si omnibus non  
potest, prius certa quàm incerta restituantur: nisi  
incertum huiusmodi esset, ut certum sit, quod  
nunquam fuit certorum creditorum, ut calix hu-  
iusmodi

iustitiam enim sine iniuria creditorum pauperibus dari possunt. Inter bona certa, prius restituenda sunt, quæ in propria specie extant, & sunt alterius: ut deposita, & etiam emptæ non solutæ. Post huiusmodi restitutionem, seruanda sunt statuta, & quod disponit ius ciuile ( si non sit contra naturale) & si variæ sint opiniones, securior est eligenda.

Vsurarius si nō habet tot bona, ut possit satisfacere alijs debitis licite contractis, & usuris, prius debet satisfacere debitis licite contractis, si tamen adsint duæ conditiones, prima, ut non extent in specie propria res usurarie, ut pignora (ea enim debent reddi dominis reddentibus pecuniam) altera, si ex huiusmodi contractibus licitis non fuit factus pauperior ad soluendas priores usuras, ut in promissione dotis accideret, pauperior enim redderetur, &c.

Si bona incerta sunt, secundum consilium confessarij possunt restitui: qui si viderit in magna miseria debitorem, poterit dispensare, ut sibi retineat, ut pauper Christi, si tamen hoc expedire iudicabit: Si enim crederetur liberior futurus propter hoc ad furtum, non expediret cum eo hac uti misericordia.

Occulta cautè restitui oportet, ne lædatur fama, sed publice usuræ publicè sunt restituendæ, magis enim recuperatur fama per restitutionem.

Si quis alium via iuris diffamauit iustè, non debet restituere: si iniustè, & falsè, restituat dicendo se falsum dixisse, vel tacuisse verum: si iniustè, sed non falsè ( ut qui reuelauit peccatum verum) dicendo

tendo se iniuste diffamasse aliquē, & malè fecisse talia dicendo. Sed caueat ne mentiatur, & attendat, quo modo dicat, ne fortè dum restituit, magi infamet: tum enim non debet restituere, nec quando sequitur maioris mali periculum, quàm sit bonum famæ consequuturum. Si fama non potest restitui, aliter debet recompensari, & satisfieri de damno secuto ex infamatione, ad boni hominis arbitrium: eodem modo de libellis diffamatorijs: & ibi debet fieri restitutio, vbi facta est infamatio publicè, vel secretò. Aduertendum est etiam, quòd quando infamatoria verba dicta sunt illi qui poterat prodesse, vel secundum ordinem iuris, vel correptionis fraternæ, vel quando talia non sunt verè diffamatoria, vt sunt venialia, vel possunt in vtramque partem interpretari, vel non affirmatiuè dixit, vel quæ alia via publica sunt, non necesse est communiter restitutionem famæ facere. Hæc de restitutione ex bonis authoribus collecta sufficiant: iam de censuris ecclesiasticis quædam subiicientur.

*De excommunicatione.*

**P**Rius de quibusdam agetur, quæ faciunt ad cognitionem excommunicationis. Deinde de peccatis excōmunicatorum. Demum de casibus excōmunicationis, ad singulos descendendo.

Excommunicatio duplex est: minor, & maior. Minor, exclusio est à participatione sacramentorū, & ab electione passiuæ, quia inhabilem facit ad quodcunque beneficium Ecclesiasticum, &c. Ex-



communicatio maior, separatio est à communione Ecclesiæ quo ad fructum, id est, sacramenta, suffragia generalia, & participationem spiritualium.

Aduertendum est tamē, quod nisi consummata sit actio, propter quam quis excommunicatur (licet sit incepta) & nisi sit agens ille ipse qui elicit actionem (quamuis imperet) non est excommunicatus: nisi etiam excommunicarentur dantes cōsiliū, fauorem, &c. & tunc nisi consequatur talis effectus, nō subiacent excommunicationi. Præterea cūm excommunicatio non feratur, nisi propter peccatum mortale: qui ea est conscientia, ut meritō sibi persuadeat, quod non peccauit mortaliter, nunquam incurreret excommunicationem à iure, quia sententia iuris non est iniusta. Effectus excommunicationis maioris (ut paulò distinctius explicantur) sunt:

**P**rimò, priuari fructu & participatione diuinorum: qualia sunt sacramēta, & interesse officijs Diuinis, etsi et nō publicè sint excommunicati. Non tamen excluduntur ab ingressu Ecclesiæ, nec ab audiendo verbo Dei. Secundò, priuantur participatione bonum operum Ecclesiæ, & orationum. Tertid, excluduntur à regno cœlorum, si iusta est excommunicatio, vel etiam si iniusta, & male contemnitur. Quartò excluduntur ab actu ordinis cuiuscunque: vadē qui exequitur, sit irregularis. Quintò, excluduntur à beneficijs Ecclesiasticis, quæ nec acquirere, nec alijs conferre possunt, nec de habitis fructus percipere, quamdiu

diu sunt in mora petendæ absolutionis: & qui annum perseveraret integrum, suspectum hæresis se redderet. Sextò, excluduntur ab ingressu Religionis, nisi prius absoluantur. Septimò, ab electione Canonica, actiue, & passivè: quod extenditur etiã ad dignitatem laicam, vt Imperium, & Regnum. Octauò, excluduntur ab executione officiorum, & usu iurisdictionis. Nonò, etiam à spirituali potestate excluduntur, vt non possint ordinari, nec ordinare, nisi secreti sint & tolerati, quod etiam in octauo effectu et septimo intellige, quod ad actiua electionem attinet. Decimò, ab omni actu legitimo, vt procurare, instrumenta facere, & ab alijs actibus, in quib<sup>s</sup> homines cõmunicant, vt cohabitare, &c. Vndecimò, à sepultura in loco sacro, &c.

Excõmunicatio ab homine lata, licet iniusta, timenda est, & quærenda absolutio (dum non sit nulla) & qui contemneret, mortaliter peccaret. Si autem nulla est, & non seruando illam non sequitur scandalum, nec timenda est, nec seruanda: debet autem casus constare, ex quo sententia fit nulla, vt non timeatur: videlicet quòd lata sit à non habente auctoritatem, &c.

In excommunicatione à iure, vel ab homine, non est lata sententia, sed comminatio, cum dicitur, sub pœna excommunicationis, &c. Cognoscitur quod sit lata, si fit per verbum præteriti temporis, vt cùm dicitur iit, excommunicatus. Aliqua etiam verba præteritis equiualeant, vt declaratoria, cùm dicitur, discernimus excommunicationi subiecto, & c. lata sententia. Quòd

si verba sunt dispositiua, & sonant in futurum, vt excomunicentur, non est lata, nisi addatur ipso facto, vel quid, vnde appareat, quòd sententia sit lata.

*De peccatis excommunicatorum.*

**E**Xcommunicatus minori excomunicatione peccat, si se immisceat participationi sacramentorum actiue, vel passiuè.

Excommunicatus maiori excomunicatione, peccat primò & mortaliter, immiscendo se sacramentis, & diuinis officijs. Secundò, peccat, si communicat cum alijs in actibus Ecclesiasticis: de quibus suprà, cum de effectibus diceretur. Tertiò, peccat, immiscendo se actibus humanis. Et communiter prohibita, hoc versu significari solent:

*Or, orare, vale, communio, mensa, negetur.*

Per os, intellige colloquia, literas, nuncios, munera, oscula amicitia, &c.

Per orare, intellige sacramenta, orationes publicas, & omnia spiritualia.

Per vale, salutationem consuetam verbo vel scripto.

Per communionem, cohabitare, vel aliquod exercitium commune habere cum excomunicato non ita si cohabitet, sed pro diuerso negotio. Possunt & actus aliqui hic excludi, vt electionis, officij, & sic de alijs.

Per mensam, simul comedere, & dormire. Ta-  
men

men huiusmodi peccata, mortalia cenſeri non debent, ſi abſit contemptus.

*De peccatis quæ ab excommunicatione  
redundant in alios.*

**P**rimò, participare cum excommunicatis in Diuinis. Secundò, admittere ad ſepulturam Eccleſiaſticam: quod de excommunicatione publica intellige. Tertiò, participare in crimine damnato, vel propter quod quis excommunicatus eſt, & incurrit excommunicationē. Quartò, cōmunicare in humanis actibus prohibitis. Qui tamen participant nō in contemptum, nec credendo, ex tali communione vêturam eſſe ſententiam in cōtemptum, nec contra præceptoriam prohibitionem ſuperioris factam, peccant quidem ſed venialiter.

Casus liciti in communicando extra diuina cū excommunicatis, hoc verſu continentur.

*Vtile, lex, humile, res ignorata, neceſſe.*

Vtile, vtrique parti intelligatur.

Lex, ad matrimonium pertinet.

Humile, ad ſeruos, filios non emancipatos, aut commenſales, famulos, &c.

Res ignorata, ad ignorantiam facti & iuris extenditur.

Neceſſe, ad violentiam, & indigentiam corporalem, & ſuſtentionem ipſius excommunicati: intelligitur etiam neceſſitas damnivitiandi, & ſpiritualis conſilij, metus etiam cadens in virum conſtantem.

*De casibus excommunicationis.*

**E**Xcommunicatio minor incurritur, participando cum excommunicato publicè & nominatim, vel ob notoriam iniectionem manus violentæ in Clericum: & ab ea quius confessorius potest absolvere.

De casibus excommunicationis maioris, breviter dicetur, in duas partes diuidendo, scilicet, in eos qui reseruantur in Bulla cœnæ Domini, & in alios omnes vtcunque reseruatos.

*Reseruata in Bulla cœnæ Domini.*

**P**rimus casus est hæresis, & comprehendit eos qui præsumunt legere libros hæreticorū, quique imprimunt, & domi habent, & demū omnes fautores, receptores, et defensores hæreticorū.

Secundò, excommunicantur piratæ, & eorum fautores.

Tertiò imponentes noua pedagagia in terris suis, vel prohibita exigentes.

Quartò, falsificatores literarum & supplicationum Apostolicarum, & mutantés supplicationes huiusmodi signatas, & datatas, vel nomine Pontificis, aut Vicecancellarij, aut Datarij eas signare præsumentes, sine Papæ vel Datarij licentia.

Quintò, qui ad sedem Apostolicam venientes, & recedentes ab ea, & in curia morantes, sine iurisdictione, temeritate propria capiunt, spoliunt, detinent, aut ex deliberatione verberare, mutilare, vel interficere præsumunt, et qui talia fieri faciunt, seu mandant,

Sextò, qui litigantes in curia, vel ad eam recurrentes pro suis causis, & negotijs, vel aduocatos, vel procuratores ipsorum, vel auditores, vel iudices occasione causarum, vel negotiorum huiusmodi, verberant, mutilant, spoliant, vel occidunt.

Septimò, mutilantes, vulnerantes, interficientes, capientes, detinentes, deprædantes Romipetas, & peregrinos, ad Urbem causâ deuotionis, seu peregrinationis accedentes, & in ea morantes, vel recedentes ab ipsa, & in his dantes auxilium, vel fauorem.

Octauò, qui occupare, detinere, hostiliter destruere, vel inuadere in totum vel in partem, aliam Urbem, regnum Siciliæ, Sardiniam, Corsicam, terras citra Pharium, patrimonium Ecclesiæ, & terras ei subiectas præsumunt: aut iurisdictionem supremam Ecclesiæ competentem, usurpare, perturbare, reuincere, vexare præsumunt, & adherentes, ac defensores eorum, seu auxilium, consilium, fauorem præstantes.

Nonò, ablatores, vel detentores, vel in quorum manus peruenerint scienter reliquiæ, & alia quæcunque ex ecclesijs, & alijs locis intra & extra moenia Urbis, tempore direptionis, sub Clemente septimo, nisi testificauerint res ablatas dominis, si nouerint eos, vel deputatis ad hoc, vel cum ipsis amicabilem concordauerint.

Decimò, quicunque equos, arma, quæuis metallorum genera, atque bellica instrumenta, lignamina, funes, & materiam eorum, & alia prohibita, deferunt inimicis nominis Christi, quibus Christianos impugnant, & qui de rebus Reipub. Christianæ

hianæ statum concernentibus, in Christianorum damnum, inimicos religionis certiores faciunt, illisque consilium præstant.

Vndecimò, temerè mutilantes, verberantes, vulnerantes, interficientes, capientes, incarcerantes, & detinentes Patriarchas, Archiepiscopos, Episcopos, eaque mandantes.

Duodecimò, qui impediunt, seu invadunt vias, vel alia ad usum Rom. curiæ necessaria adducentes, vel qui impediunt, ne deferantur, seu perturbant, & qui talia defendunt.

Decimotertiò, qui inibent, ne aliqua literarum Apostolicarum, citationes, monitoria, & executoriales, quæ à sede Apostolica emanaverint, sine suo beneplacito executioni mandentur, ac notarios, vel executores eorum capiunt, incarcerant, detinent, vel id fieri curant, & ne literis, & mandatis, seu decretis sedis Apostolicæ, & legatorum, ac nuntiorum, & iudicium legatorum, &c. pareatur, nisi habito prius eorum consensu, &c. neve tabelliones, & notarii super huiusmodi conficere instrumenta, vel acta, aut confecta parti cuius interest, tradere debeant.

Decimoquartò, qui sub quibuslibet poenis prohibent, statuunt, seu mandant, ne pro quibusvis negotiis prosequendis seu gratiis impetrandis, ad Rom. curiam accedant, seu impetrent, seu impetratis utantur. Quiq. à Romani Pontificis obedientia pertinaciter se subtrahere, vel recedere præsumunt.

Decimoquintò, quæ personas ecclesiasticas, capitula, &c. ad suum tribunal, vel concilium, præter

iuris communis dispositionem trahunt, vel id curant, & qui statuta, pragmaticas, & decreta hactenus fecerunt, & publicarunt, aut facient, & publicabunt infuturum, quibus libertas ecclesiastica tollitur, læditur, deprimitur, aut restringitur, aut Apostolicæ sedis iuribus præiudicatur.

Decimosextò, qui iurisdictiones, fructus, & redditus, ad ecclesiasticas personas ratione ecclesiarum, &c. pertinentes, usurpant, surripiunt, vel sequestrant: aut collectas, decimas, & alia onera, personis ecclesiasticis, atque eorum bonis (absque expressa licentia Romani Pontificis) imponunt, aut etiam à sponte dantibus recipiunt, & qui prædicta exequuntur, vel procurant, aut in eisdem auxiliū, consilium, vel fauorem, votum, seu suffragium præstant.

Decimoseptimò, Cancellarij, Vicecancellarij, Consilarij Principum, aut præsidentes Cancellariarum, Conciliorum, ac Parliamentorum, & procuratores generales eorum, vel aliorum principum & Archiepiscopi, Episcopi, Abbates, Commendatarij, Vicarij, & Officiales, qui beneficiales, & alias spirituales, et spiritualibus annexas causas, ab Auditoribus, & Commissarijs apostolicis auocant, ac personas, capitula, cōuentus, collegia, causas huiusmodi, exequi volentes, authoritate laicali impediunt, & ad illorum cognitionem, tanquam iudices se intromittunt, & partes actrices, ad reuocandum citationes, inhibitiones, aut alias literas, et absolendum eos contra quos emanarunt, à censuris, & pœnis in illis contentis ordinant, vel compellunt,



pellunt, vel aliás executionem literarum, vel executorialium impediunt. Qui non intelliguntur absoluti, nisi statuta, &c. publicè reuocauerint, & ubi annotata sunt, deleuerint, & de reuocatione, & causatione Papam certiores fecerint, cum proposito desistendi, &c.

Additur postremo de ijs, qui contra tenorem presentium aliquos absoluerè præsumpserint, nisi in articulo mortis, & tunc præstita cautione stando S. R. Ecclesiæ mandato, vel satisfaciendo, &c.

Et hætenus de reseruatis in Bulla cænæ, in qua fasius hæc videbuntur, & quia quotannis ea posset innouari, curandum est, vt singulis annis ab ordinarijs, vel alia via inquiramus, an aliquid innouatum fuerit in ea, nec ne.

*De alijs casibus excommunicationis non reseruatis in Bulla cænæ Domini.*

**P**rimò Excommunicantur domini seu rectores, vel officiales eorum, circa negotium Inquisitionis contra hæreticos deficientes, & omnes qui in hoc dederint consilium, auxilium, vel fauorem.

Secundò, inquisitores, & officij inquisitionis executores, qui procedere omittunt cōtra hæreticos, contra suam conscientiam, & iustitiam, vel falsò hæresim imponunt Papalis.

Tertid, inquisitores, & commissarij eorum, vel Episcoporum, siue capituli, Sede vacante, qui pecuniam pretextu officij inquisitionis modis illicitis extorserint, aut scienter occasione dicti officij Ec-

clesiæ bona ad fiscum, etiam ecclesiæ, ob delictum clerici applicare attentauerint.

Quarto, qui perseverant, vel assumunt statum vel sectam fratricellorum, bisochorum, beghinorū, & pralati, qui eis concedunt.

Quinto mulieres statum beghinatus sectantes, vel de nouo assumētes, ac religiosi eas admittentes, vel prębentes consilium, auxilium, vel fauorem.

Sexto, qui pręsumptuose volunt ordinationes ab Octauiano, & Guidone factas, ratas esse.

Septimo, qui de tertiæ partis Cardinalium nominatione confusus, Papæ sibi nomē vsurpat, et qui ipsum recipiūt, & qui à paucioribus, quàm à duabus partibus Cardinalium electus, gerit se pro Papa, nisi maior concordia intercesserit.

Octauo, qui in clericum, vel monachum manus violentas iniiciunt. Et non solum executor intelligitur, sed qui mandat, consulit, dat auxilium, fauorem, consensum, & qui ratum habet post factum, si nomine ipsius factum est: & regulariter in grauius Papalis est.

Nondo, Insequentes Cardinales, vel manus violentas in eos iniicientes. Item domini temporales, vel eorum officiales, qui contra huiusmodi constitutionem Bonifacij. cap. Felicis, non fecerint seruari, intra mensem à die notitię computandum.

Decimo, qui Episcopum percusserit, cepetit, bannierit, vel id mandauerit, ratificauerit, consulerit, fauerit, socius fuerit, vel scienter defendent. Idem de officialibus ciuitatis, qui aliquid horum  
contra

contra Episcopum suum commiserunt culpabiliter: & ex parte excommunicatio hæc reservatur in bulla cenæ domini.

Vndecimò, qui quempiam Christianorum per quoddam genus hominum (quos vocant Assassinos) interfecerit, vel interfici mandauerit, quamuis mors non sequatur, aut eos receptauerit, defendenit, vel occultauerit.

Duodecimò, qui victualia deferunt, vel quauis metrimonium, tempore belli, ad infideles, & quouis tempore, si deferunt in Alexandriam, vel alia loca Saracenorum Aegypti.

Decimotertio, qui effingunt, & simul spoliant loca sacra: & Papalis est, post denunciationem.

Decimoquarto, qui Christianos naufragantes rebus suis spoliant, nisi reddiderunt.

Decimoquinto, Cardinales qui sede vacante, constitutioni de electione Ro. Pontificis, præter simoniam facienda, contrauenire præsumpserint: & est Papalis.

Decimosexto, qui ab ordinationibus, sententijs, seu mandatis Romanorum Pontificum ad futurum Conciliū appellant, aut qui ad hoc fauorem, consilium, auxilium, dederint, vel aliorum dicta approbauerint, &c. Papalis est.

Decimosextimo, qui literarum Apostolicarum falsarijs fauent: & layci, qui talibus literis talis vtuntur: & est Papalis.

Decimo octauo, impugnantes literas electi in Papam antequam coronatur.

Decimonono, qui ecclesiasticam libertatem

offendunt faciendo seruari statuta, & consuetudines introductas contra eam, nisi intra duos menses post publicationem sententiæ de capitularibus fecerint amoueri & statutoriij scriptores, potestates, consules, rectores, consiliarij, & qui secundum ea presumpserint iudicare, vel in publica forma scribere iudicata.

Vicesimò, qui represalias aduersus personas ecclesiasticas, seu bona ipsorum concedunt, vel extendunt ad eas, nisi intra mensem reuocauerint.

Vicesimoprimum, qui personas ecclesiasticas ad submittendum Ecclesias, bona illarum immobilia, vel iura illarum (in casibus non permissis à iure) laicis compulerint, vel vsurpauerint ex huiusmodi contractibus, etiam licite factis, aliquid, nisi legitime moniti restituerint, &c.

Vicesimòsecundò, qui quaslibet personas ecclesiasticas, ad quas spectat electio in monasterijs, vel pijs locis, vel consanguineos earum, aut ipsas Ecclesias, vel cetera loca, grauauerint, spoliando vel aliàs iniuste persequendo, pro eo quòd noluerunt eligere personam, ad cuius electionem inducebantur.

Vicesimotertiò, qui impediunt litigantes in quouis foro ecclesiastico etiam extra curiam, in causis, quæ de iure ad dictum forum pertinent, vel consilium, auxilium, fauorem ad hoc præstant.

Vicesimoquartò, qui dant alicui licentiam occidendi, vel grauandi in personis vel in bonis suis, vel suorum, aliquem, pro eo quòd sententiam excommunicationis, suspensionis vel interdicti protulerit,

tulerit, vel eum, cuius occasione fuerit prolata, vel obseruantes easdem sententias, vel sic excommunicatis communicare nolentes, nisi re integra licentia reuocetur, vel si ad bonorum captionem, occasione ipsius licentiæ sit processum, nisi bona ipsa fuerint intra septem dierum spacium restituta, aut satisfactio pro ipsis impensa. Item qui vtuntur dicta licentia ad aliquid præmissorum, vel motu proprio id committunt, & post duos menses reſeruatur Sedi Apostolicæ.

Vigesimoquintò, domini temporales interdicitur subditis, ne personis ecclesiasticis vendant, emanant, aut alia obsequia exhibeant.

Vigesimo sextò, qui regalia, custodiam, siue guardiam, vel titulum aduocationis in locis pijs vacantibus, de nouo vsurpare conantes, bona ecclesiastica occupare præsumunt, & personæ eorundem piorum locorum, quæ hoc fieri procurant: Bonifa. de electione generali lib. 6. Episcopa.

Vigesimo septimò, qui fecerit contra statutum Alexandri. 4. qui ecclesias & personas ecclesiasticas ad pedagia, & guidagia statuit non teneri.

Vigesimo octauo, Consules, rectores, & qui potestatem habere videntur, cum fautoribus suis, qui onera imposuerint, & angarijs affligerint personas ecclesiasticas, & euacuauerint iurisdictionem, & authoritatem prælatorum, ita vt nihil potestatis temporalis in suos videatur eis remansisse, si commoti desistere noluerint, & successores eorum in officijs, nisi intra mensem, à successionem computandum satis fecerint.

Vigefimononò, qui reuocationem excommunicationis, &c. vel absolutionem vi vel metu extorquent.

Trigefimò, offendentes ecclesiasticam libertatem in clauri officio, claudendum diuinum cultum excommunicatis, & interdictis, & est papalis.

Trigefimoprímò, impediētes sequestrationem beneficij per loci ordinariū factam, vna diffinitua sententia contra possessorem promulgata, vel fructus sequestratos quoquo modo occupare præsumentes.

Trigefimo secundò, Impediētes monialium, aut canonicarum seculariū visitatores in suo officio, nisi moniti resipiscant.

Trigefimosecundò, Sepelientes in loco sacro hæreticos, & eos qui deliberatè adherent eis, ac receptatores eorum.

Trigefimoquartò, qui in cœmiterijs tempore interdicti, quoscunque, in casibus non concessis, aut excommunicatos publicè, vel nominatim interdictos, vel manifestos usurarios, scienter sepelire præsumunt, non sine contemptu clauium.

Trigefimoquintò, qui scienter in gradibus prohibitis consanguinitatis, aut affinitatis, vel cum monialibus, vel qui in religione, aut sacris constituti, matrimonium contrahunt.

• Trigefimosexto, simplices religiosi, qui decimas ecclesijs debitas usurpare præsumunt, &c. nisi post requisitionem desistant à premisis intra mensem, & dampnificatis ecclesijs emendam intra duos menses faciant.

Trige-

Trigesimoseptimò, Religiosi, & clerici seculares, inducentes alios ad vouendum, vel promittendum, vt sepulturas apud suas Ecclesias eligant, vel iam electas vltcrius non immutent, est Papalis.

Trigesimooctauò, Religiosi de claustris ad audiendas leges, vel medicinã exeuntes, et intra duos menses ad claustrũ non redeuntes, & presbyteri, ac alij clerici personatus habentes, intra prædictum spacium ab huiusmodi audiendis non desistentes.

Trigesimononò, Officiales communitatum, aut potestates, vsuras quibusdam statutis fouentes, & iudicantes quod soluantur vsuræ, vel quod cum solutæ reperiuntur, non restituantur. &c.

Quadragesimò, Clerici minores Episcopis, qui in terris suis permittunt publicos vsurarios alienigenas ad fœnus exercendum domos conducere, vel alias habitare, & non expellunt intra tres menses de cetero non admissuri, vel eis locant, vel alio quouis titulo concedunt domos ad fœnerandum vsurariæ prauitati fauentes.

Quadragesimoprímò, qui vrbs Ro. dignitates, seu officia vsurpant.

Quadragesimosecundò, Dominus & alij rectores, & officiales ciuitatis, in qua Papæ electio celebranda est, sibi iniuncta diligenter non adimplentes, aut fraudem in eis committentes.

Quadragesimotertio, Mittentes scriptum vel nuncium Cardinalibus, in conclau existentibus, vel alicui ipsorum secreto loquentes.

Quadragesimoquartò, Religiosi mendicantes, qui ad habitandum domos, vel loca quæcunq; de

nouo recipiūt, vel recepta mutāt, vel in alios transferunt, quocunque alienationis titulo.

Quadragesimoquintò, scienter communicantes, auxiliando, fauendo, vel consulendo ei, qui nominatim excommunicatus est, in crimine, propter quod est excommunicatus.

Quadragesimosextò, Clerici, qui scienter & sponte recipiunt ad diuina excommunicatum à Papa: & est papalis.

Quadragesimoseptimò, qui fictionem seu fraudem committunt ad hoc, vt iudex personaliter vadat ad mulierem pro testimonio.

Quadragesimooctauò, pars quæ procurat, vt de alijs, quàm de manifestis iniurijs, seu violentijs conseruatores se intromittant, vel ad ea quæ iudicalem indaginem exigunt, suam extendant potestatem.

Quadragesimononò, Religiosi temerè habitum suum dimittentes, vel ad quæuis studia sine debita licentia accedentes, & doctores, qui religiosos habitu suo dimisso leges vel medicinam scienter docere, aut in scholis suis retinere præsumunt.

Quinquagesimò, simplices monachi, & Canonici regulares ad curias Principum se conferentes, vt damnum aliquod inferant suis prælatis, aut Monasterio.

Quinquagesimoprimò, Monachi intra septa monasterij sine licentia Abbatum suorum arma tenentes.

Quinquagesimosecundò, Religiosi parochiale officium circa extremam Vnctionem, Eucharistiā,

Matti-



Matrimonium, & absolutionem excommunicatorum à canone, & statutis prouincialibus, vel Synodalibus, vel etiam à culpa, & à poena vsurpantes: est Papalis.

Quinquagesimotertio, Religiosi, qui proferunt aliqua, vt audientes retrahant à solutione decimarum Ecclesijs debitarum.

Quinquagesimoquarto, Religiosi suspensi ab officio prædicationis, quod scienter postposuerint conscientiam facere contentibus, de non solutis decimis, Ecclesijs debitis, si dicta negligentia non purgata, prædicare præsumunt.

Quinquagesimoquinto, Religiosi non seruantes interdictum, vel cessationem à diuinis, quam seruat mater ecclesia, si sit localis ac generalis.

Quinquagesimosexto, qui propter legitimum impedimentum absoluti à sententia canonis vel hominis, ab eo, qui de iure absolvere non poterat, contemnunt, quàm primùm commodè possunt, ei à quo de iure erant absoluendi, se præsentare: & absoluti à Papa vel ipsius legato, quibus iniunctum est, vt irent ad ordinarios, vel aliquem aliū pro poenitentia, & vt satisfacerent iniuriam passis, si hæc quàm primum poterunt, nō curauerint adimplere: & est Papalis vel Episcopalis vt prior, in quam reincidit.

Quinquagesimosseptimo, qui in locis Christianorum, corpora defunctorum, ad alia loca transferenda, exenterare, ac inhumaniter, & crudeliter pertractare, vel pertractari facere præsumunt: est Papalis,

Quin-

Quinquagesimooctauò, qui dant, & recipiunt aliquid si non tacè, in ordine vel beneficio, vel mediatores fuerint, vel procurauerint, vt huiusmodi fiat simonia: est Papalis.

Quinquagesimonond, qui aliquid ex pacto dat, aut recipit, pro ingressu religionis: est Papalis.

Sexagesimò, Religiosi, qui ex ordinibus mendicantium ad aliquem monasticum ordinem (præter Charthusiensem) absq; sedis Apostolicæ licentia speciali, conuolant, & quippos recipiunt: est Papalis.

Sexagesimioprimò, qui bona ecclesiastica alienant, & alienata recipiunt.

Sexagesimosecundò, Sacerdotes officium vicecomitis, aut Præpositi secularis habentes, & post monitionem emendare nolentes.

Sexagesimotertio, qui asserere præsumunt, tenentes beatam Virginem ab originali peccato fuisse præseruatam, Hæresim, aut peccatum mortale incurrere, & vice versa: est Papalis.

Sexagesimoquarto, impediētes Legatos, vel nuntios Apostolicos, ne recipiantur, & faciant ea, ad quæ missi sunt.

Sexagesimoquinto, Vocati ad dirigendas mortales in electionibus faciendis, qui non abstinent ab his, vnde possit oriri discordia, vel nutrirī in ipsīs electionibus.

Sexagesimo sexto, qui ordini Prædicatorum, aut Minorum contumeliam, aut iniuriam faciunt, intrando Monasteria monialium in casibus non concessis, vel libellos in infamiam status ipsorum edendo,

edendo, detinendo, vel publicando, vel docendo quod non sunt in statu perfectionis, & quod non liceat eis de eleemosynis viuere, vel prædicare, vel confessiones audire de licentia Papæ, vel exercendo violentiam in loca ipsorum, vel detinendo in Ecclesijs suis Apostatas eorum, & eos reijciendo à consortio Vniuersitatis Parisiensis, & Papalis est, vel Generalibus, aut Conseruatoribus horum ordinum ferè reservata.

Sexagesimoseptimò, Cardinales Ro. ecclesiæ regentes aliquid in consistorio vetitum à Papa. unde aliquid præiudicij vel scandali nascitur.

Sexagesimooctandò, qui librum, aut quamcunq; scripturam imprimere seu imprimi facere præsumunt, nisi prius in Vrbe per vicariũ et sacri palatii Magistrũ, in alijs verò diocesijs per Episcopum vel aliũ peritũ ab eo deputatũ, et ab inquisitore.

Sexagesimonondò, qui in suis prædicationibus ad populum, miracula falsa, aut incerta, vel prophetias, quæ ex sacra scriptura non constant, prædicare, vel Ecclesiæ prælatis detrahere auti fuerint.

Septuagesimò, accedentes ad Dominicum sepulchrum sine licentia Papæ.

Septuagesimoprimum, qui audiunt scienter libros Hæreticorum, & inquisitoribus absolutio reservatur. Sunt & aliæ excommunicationes, quæ non videntur in vsu esse, vel non sunt generales, sed quæ in hac vel illa diocesi vigent, & confessorij (præsertim qui facultatem ab eis absoluendi non habent) debent curare, vt eas nouerint qualigant, vbi ipsi confessiones audiunt. Sed dicta

dicta de casibus excommunicationis sufficere videntur, vt si qui occurrerint, agnoscantur. Qui su-  
fio-rem tractationem requireret, ad canones, vel alios  
auctores ei recurrere, vel certè peritiores consulere  
licebit.

*De suspensione.*

**S**uspensio est censura ecclesiastica, inhabili-  
tans ad executionem ordinum, officiorum,  
vel iurisdictionis, ex aliquo impedimento  
proueniens, ex institutione ecclesiæ habet robur  
& quamuis pœna sit potius quàm culpa, commu-  
niter tamen propter peccatum incurritur.

Qui suspensus est à pontificalibus, non potest  
quæ sunt pontificalia. Qui ab ordinetantùm, non  
potest ea quæ sunt ordinis: si à iurisdictione tan-  
tùm, non potest quæ sunt iurisdictionis: si ab y-  
troque, neutrum potest. Si est suspensus ab officio,  
& beneficio, non potest agere nomine proprio, tan-  
quam beneficiatus: nec debet habere redditus, li-  
cet mediocrem sustentationem habere possit, si a-  
liunde non habeat vnde viuat. Suspensus à iure  
etiam propter defectum corporalem, vel ab homi-  
ne, debet abstinere ab officio etiam post contritio-  
nem & cōfessionem, quousque relaxata fuerit sen-  
tentia: aliàs suspensus à diuinis, vel officio, vel ce-  
lebratione, si contra faciat, mortaliter peccat.

Cum minora interdiciuntur, maiora intelligun-  
tur interdicta, non vice versa: vt suspensus à sub-  
diaconatu interdicitur à superioribus ordinibus,  
non è contrario,

Qui-

Quicumque potest cogere per censuram ecclesiasticam, potest suspendere, excommunicare, et interdicare, & qui potest excommunicari, potest suspendi, & debet fieri in scriptis suspensio monitione præmissa, quando fit propter contumaciam, non autem si feratur in poenam delicti commissi.

Quando in sententia suspensionis dicitur: Donec satisfecerit, &c. adueniente conditione, non indiget alia relaxatione, sicut excommunicatio.

Suspensus à iure, potest ab Episcopo absolui, nisi canonis conditor sibi reseruet, vel nisi sit suspensus propter peccatum, à quo non potest ipse absolui. Si verò ab homine sententia est inflicta, absoluet qui eam tulit, vel superior: & absolutio fit solo verbo, reuoco, vel remoueo, vel absoluo à tali sententia: quia non habet propriam formam.

Casus permulti sunt in quibus incurritur suspensio, inter quos est concubinatus notorius clerici, oblatio vel susceptio duelli à clerico. Suspenduntur etiam ordinati extra tempora, vel ab episcopo suo, vel excommunicato &c. Suspenduntur & simoniaci: Sed de his & alijs qui plenorem desiderat tractatū, videat canones, vel aliquem ex his qui collegerunt (vt Syluester) aut consulat penitus.

### *De interdicto.*

**I**nterdictum ecclesiasticum est quædam prohibitio, qua in aliqua terra vel ecclesia, vel personis, interdicitur administratio sacramentorum, vel diuinorum officiorū celebratio, seu exortatio aliquorum spiritualium, Et quando prohibetur

bentur omnia spiritualia, dicitur strictū: quando quædam tantum, dicitur largum. Triplex est, locale tantum, personale tantum, locale & personale simul. Et cum interdicitur aliqua vrbs, locale: cum clerus, personale: cum vtrunque vrbs & personæ, dicitur locale & personale simul.

Quodlibet istorum duplex est: generale, vt cum interdicitur tota vrbs, vel populus, vel prouincia: particulare, vt cum aliqua ecclesia in vrbe, vel aliqua persona, vel in vno delicto plures nominantur: tunc quocunq; pergāt interdicti sunt, quamdiu durat interdictum (si ad tempus fuit) vel absoluitur, nec possunt audire diuina, imò in diuinis euitandi sunt, si sint nominatim interdicti, sicut excommunicati, non autem extra diuina.

Potest Papa omnia interdicare, præter baptismum paruulorum, & poenitentiam morientium, & illa sine quibus ista duo non possunt bene fieri: alij prælati non possunt, nisi secundum iuris dispositionem interdicare.

Ad obseruationem interdicti tenetur quis, quando publicè promulgatum est contra personam vel collegium, vel locum certum à iudice, specialiter & expressè, non aliter. Sufficit autem scire quòd vicini, & maximè metropolitana ecclesia receperint sententiam, & seruet: & etiam religiosi exempti, nū habent super hoc speciale priuilegium, tenentur id obseruare. Excusat tamen ignorantia probabilis, non crassa, vel supina.

Clero interdicto, non intelligitur populus interdictus, nec vice versâ, Et nomine cleri, in materia

favorabili, intelliguntur religiosi, nō autē in odio-  
sa. Interdicta ciuitate propter delictum domini,  
quæ nō sunt interdicti. Ideo extra ipsam possunt  
audire diuina. Si autem populus est interdictus, &  
Comites & nobiles interdicti sunt, nisi ex priuile-  
gio sint sui iuris, & etiā subuibia, et ville, circa ciui-  
tatem, quæ non pertinent ad aliam vniuersitatem.

Interdicto clero, non est interdicta ecclesia. ideo  
alii clero licitè celebrant in ea. Si ecclesia interdi-  
catur, alia ecclesia cohærens, vel capella mediante  
muro, nō intelligitur interdicta. Si ventant homi-  
nes non interdicti ad alia loca interdicta, non po-  
terunt ibi celebrare, neque audire diuina: secus si  
communitas, & non locus: excludendi tamen es-  
sent interdicti, & curandum ne vilipendantur cen-  
suræ ecclesiasticæ. Qui habitant in populo inter-  
dicto, non sunt tamen de illo, non censentur inter-  
dicti, nec pueri, qui doli non sunt capaces.

Interdictum aliquando emanat à iure, aliquan-  
do ab homine. A iure, generale est contra collegiū,  
vel vniuersitatem cogentem ecclesias, vel personas  
ecclesiasticas soluere pædagia, &c. Secundò, con-  
tra vniuersitatem locatē domos vsurarijs, ad ex-  
ercendū scenus. Tertiò, contra vniuersitatem quæ  
represalias concedit contra personas ecclesiasticas.  
Quartò, contra non seruantes seruanda, in electio-  
ne papæ. Quintò, contra quamcunq; ciuitatē (præ-  
ter Romanam) quæ consentit dando auxilium, cō-  
siliū, vel fauorem occidentibus, vel percutienti-  
bus Cardinalem, vel non punientem infra mēsem,  
si poterit. Sextò, contra ciuitatem quæ proprium

Episcopum percusserit, vel ceperit, aut in exilium miserit. Septimò, contra clericos, vel religiosos inducentes aliquem ad vouendum, vel promittendum de sepultura, si in ecclesia eum postmodum sepeliant, si non restituant omnia intra decem dies. Octauò, contra regnum, vel locum, quando dominus eius impedit, ne legatus vel nuntius Papæ possit exequi officium suum.

In prædictis tamen casibus (vt dictum est) nullus tenetur seruare interdictum, ante denuntiationem per iudicem faciendam.

Particulariter quandoque locus interdicitur à iure. Primò, quando ecclesia est polluta per homicidium, vel effusionem sanguinis iniustam, aut seminis, studiose procuratam. Et ante reconciliationem, non debent ibi officia diuina celebrari. Secùdò, si propter discordiam patronorum, Episcopus claudit ostia, & tollit inde reliquias, & prohibet celebrari. Tertio, si ecclesia per simoniam esset consecrata. Quartò, si principaliter pro quæstu. Quintò, si sine licentia diocesani Episcopi. Sextò si sine reliquijs, vel in loco deserto. Septimò, si hæreticus tradatur sepulturæ ecclesiasticæ scienter. Ab homine quocùq; fertur sententia interdicti, q. potest ferre excommunicationis, vndè nulla mulier id potest.

Quando ab homine fertur ob contumaciam, debet præcedere monitio, et forma tradita. Et defectu monitionis, aliquando est nullum, aliquando iniustum interdictum. Si propter delictum feratur, non est necessaria admonitio.

Forma verborum in Interdicto, est ista. Nos  
propter



propter talem causam, ecclesiam, vel ciuitatem, ecclesiastico supponimus interdicto: & secundum doctores, non potest poni sine rationabili causa.

Ad relaxandum interdictum, non est aliqua certa forma verborum, sed nudo verbo potest tolli, dicendo, reuoco, remoueo, vel absoluo, & similia. Et si est ad tempus, vel ex conditione, his expletis ex seipso desinit. Sola enim intentione auctoritatem habentis, quocunque modo expressa relaxatur.

Quando persona est simpliciter interdicta, illa post satisfactionem relaxari debet vel absolui: quando vero populus, vel locus, soli qui peccauerunt, satisfaciant, et absoluantur. Si illi, in quorum fauorem positum est interdictum, non seruant, nec alij tenentur: & dicuntur violare, quando maiores ex eis, vel eorum maior pars violat.

Interdictum potest relaxari (si est ab homine) ab eo qui tulerit, vel à superiore. Si vero sit à iure, & conditor iuris non reseruauerit, Episcopus potest relaxare, & non inferior ordinario. Si esset terminatum ad certum tempus à iure, non posset tolli ab ordinario, ante illud tempus.

In generali interdicto, loci non personæ, standum est moderationi cap. Alma, &c. Id est, ut quotidie in ecclesijs, & monasterijs missæ, & alia officia celebrari possint, sicut prius: voce tamen submissa, ianuis clausis, nō pulsatis campanis, excommunicatis, & interdictis exclusis: & in festiuitatibus Natalis Domini, Resurrectionis, Pentecostes, Corporis Christi, Assumptionis, Omnium sanctorum pulsatis campanis diuina celebrantur, exclusis

tantum excommunicatis: dum tamen illi, propter quos positum est interdictum, non appropinquant altari, id est, non faciant offertorium: & dies incipit à vespertis vigiliæ, usque ad festi completorium, imò & missa vigiliæ secundum aliquos potest includi: Eisdem diebus aqua solenniter potest benedici & aspergi, panes & fructus benedici, & administrari: benedici virgines, calices, &c.

Sacramentum baptismi adultorum & paruulorum, tempore interdicti conceditur, & confectio chrismatis in die Iouis sancti, & chrismatio tam adultorum, quam puerorum. penitentia tam sanorum, quam morientium, exceptis excommunicatis, & illis quorum culpa, vel dolo, lata est sententia, vel dederunt auxilium, &c. Conceditur etiam viaticum existentibus in periculo mortis, & potest portari cum lumine & campanula, nec prohibentur interdicti adorare hostiam, nisi cum diuina officia actualiter celebrantur.

### *De cessatione à Diuinis.*

**A**liquando, cum obedientia non est præstita excommunicationi, nec interdicto, addi solet cessatio à diuinis, quæ prohibet celebrationem diuinorum officiorum & administrationem sacramentorum, etiam ianuis clausis. Tunc autem literæ Apostolicæ bene considerandæ sunt & secundum eas iudicandum: quia ligant quantum Pontifex expressit, et non amplius. Est ergo cessatio à diuinis, quæ desistitur ab officiis diuinis & ministerio sacramentorum; & diuiditur in generalem, qua

quæ imponitur loco vniuersali, vt ciuitati, & in particulari, quæ imponitur loco particulari, vt Ecclesiæ. Non est autem censura, quemadmodum stat interdictum, & qui violat cessationem à diuinis, etiam particularis, non est propterea irregularis, vt qui violat interdictum. Et qui priuilegium habet audiendi diuina officia tempore interdicti, non ei suffragabitur, vt tempore cessationis à diuinis, audire possit: nec qui priuilegium habet audiendi tempore cessationis generalis, continuo audire poterit tempore cessationis particularis. Et hæc de cessatione attigisse sit laus.

*De irregularitate.*

**I**regularitas, est nota seu impedimētum canonicum, de facto proueniens, qua quis ad ecclesiasticos ordines promoueri, & iam promotus in eis ministrare prohibetur. Vnde latius patet, quàm suspensio, quæ tantum importat inhabilitatem ad executionem.

Tribus modis in genere cōtrahitur, ex delicto, ex defectu corporis, ex defectu sacramenti: nunquam tamen incurritur, nisi secundum illos modos, vel casus, qui expressi sunt in iure.

Sunt autem multi casus. Primus, p. i homicidium. Secundus, per ordines susceptos, vel sacros exercitatos in maiori excommunicatione. Tertius, per plures ordines sacros vno die receptos, vel minores, cū aliquo sacro, nisi excuset consuetudo. Quartus, per reiterationem Baptismi. Quintus, per apostasiam à fide. Sextus, per infamiam secundum

quosdam, quæ tollit executionē ordinū, & exercitiū cuiuscunque dignitatis, et honorem quæsitū & quærendū. Septimus, per ordinationē ab Episcopo nominatim excommunicato, schismatico, heretico, deposito, suspensō, interdicto, degradato: secus si toleratur adhuc ab ecclesia. Octauus, recipiēdo ordines ab eo q̄renunciauit loco et dignitati, vel ab Italico, si recipiēs sit vlttramōtanus, & celebret. Nonus, recipiēdo extra tempora, vel ante ætatem, si ministrat in suscepti ordinis ministerio, secundum aliquos. Decimus, ministrando solenniter in ordine sacro non habito. Vndecimus, incurritur à suspensō, excommunicato vel interdicto, ingerenti se diuinis, celebrando, vel faciendo aliquid attributum certo ordini, etiam minori, vt Accolitus, si vt talis id faciat. Duodecimus, propter crimē quo suspensus est à canone, si ministrat in ordine sacro. Decimus tertius, propter bigamiam. Decimus quartus, propter matrimonium contractum ab eo qui est in sacris, vel habet votum solenne. Decimus quintus, per celebrationē vel cuiusuis ordinis executionem in loco specialiter per iudicem interdicto. Decimus sextus, propter corporis vitium, id est, si quis est mutilatus aliquo membro, vel debilitatus: qualis est cæcus, vel habens manum aridam, vel aliud membrum inefficax, si quidem reddatur inhabilis, ad frangendum, vel contrectandum hostiam, vel calicem: vel scandalum generat propter deformitatem. Decimus septimus, propter illegitimitatem. Decimus octauus, propter dilationem baptismi in adultis vsque ad ægritudinem, nec ista

inegu-

Irregularitas tollitur per baptismum. Decimus nonus, propter hæresim. Vicesimus, propter servitutem. Adduntur & alij quidam casus, sed sufficiat hos enumerasse.

Vt autem fusius dicatur de irregularitate, quæ contrahitur per homicidium, vel mutilationem actualem, vel cum quis operatur aliquid, quod sit propriè horum causa, etiam absque peccato: Adverte quodd si effectus non sequitur, nunquam incurritur irregularitas, quia sola voluntas non sufficit.

Tres autem regulas ponit S. Thomas ad discernendum, quando huiusmodi irregularitas incurritur. Prima est, qui dat operam rei licitæ, adhibens diligentiam quam debet, & non excedens, nec habens voluntatem occidendi, vel mutilandi, non fit irregularis propter sequens homicidium. Secunda est, qui dat operam rei licitæ non adhibens diligentiam, quam debet, vel existens in culpa commissionis etiam leui, non autem leuissima, id est, omissionis, fit irregularis. Tertia, qui dat operam rei illicitæ semper fit irregularis: sub his plurima particularia elucescere possunt. Et adverte, quod iudex, vel doctor, in dubio non debet aliquem iudicare irregularem, seipsum tamen in dubio quisque reputet.

Notandum quodd quando irregularitas contrahitur propter occisionem vel mutilationem iustā, non est ea quæ admitti dicitur propter homicidiū voluntarium, vade sa non reservatur summo pon-

tifici, cùm reservatur irregularitas, in quam propter homicidium voluntarium quis incurrit.

Prælati, clerici, qui petunt contra aliquem iustitiam, cum protestatione quod non intendunt poenam sanguinis, non incurrunt irregularitatem, licet sequatur effectus. nec qui proditorem vel proditorem reuelat, cum hac protestatione: sed cū si non protestatur: tamen inquisitor tradens hæreticum iudici seculari, licet instet ut comburatur, non fit irregularis: quia solum eis prohibetur executio.

Ut autem melius intelligatur irregularitas, quæ incurritur ex homicidio, vel mutilatione in bello etiam iusto, notanda sunt ea quæ sequuntur. Primò, Clericus repellens vim vi, cum moderamine inculpatae tutelæ, quādo aliter mortem evitare nō potest, si occidat, non fit irregularis. Similiter si in bello iusto de licentia Papæ exprimentis, quod possit indifferenter pugnare, quenquam occidat. Secundò, si in bello iniusto utatur armis, vel præstet auxilium, consilium, vel fauorem, incurrendo timorem aduersarij, & occidatur quisquam etiā non ab ipso, fit irregularis. Tertiò, qui est in bello iusto cum armis defensionis, hortans belantes, & intercedens pro eis, dummodo non occidat, nec, mutilet, non fit irregularis: si ipsi pugnant, sed non occidunt, nec mutilant, non sunt irregulares: & si putat clericus, se occidisse potius quàm contrā, censendus est irregularis, aliter non, nisi alij C. irent cerro ipsum occidisse.

Cū quis absoluitur à peccatis, prius debet absolui ab excommunicatione, non tamen ab irregularitate

laritate dispensari, quæ secundum se peccatum non est, nec peccatum includit, vt excommunicatio: propter clericos tamen utilis est hæc cognitio confessori.

Tribus modis tollitur irregularitas: aliqua per baptismum, si venit ex aliqua peccati proprii, non autem si ex bigamia, nec ex defectu natalium.

Secundò, aliqua irregularitas tollitur, per religionis ingressum, quæ scilicet non prouenit ex proprio delicto: talis enim posset promoueri ad ordines, sed non ad dignitates: tamen faciliat dispensationem religio.

Tertio modo, per dispensationem tollitur omnis irregularitas.

Praelati mittentes ad ordines suscipiendos subditos, vel Episcopus promouens, ipso facto dispensant, si hoc intendunt.

Forma consueta dispensandi super irregularitate, est talis: Ego dispenso tecum super irregularitate, vel irregularitatibus, quam vel quas contraxisti, propter talem vel talem causam: vel si contraxisti, quando est dubium.

Hactenus de censuris ecclesiasticis, quantum satis esse duximus ad instituti opusculi rationem: ubi non omnia quæ attinguntur, exactè tractanda, sed confessarium dirigendum suscepimus, vt non tantum his quæ hic didicerit, sed et alijs ubilibet lectis,

bene vtendo, officio confessarii melius ad animatum auxilium & Dei gloriam

perfungatur.

L A V S D E O,

I N D E X

# INDEX EORVM QVÆ IN appendicibus continentur.

<i>Ad lectorem.</i>	Fol. 2
<i>Præfatio de substantia, fine &amp; efficiente causa sacramenti pœnitentiæ.</i>	sol. 4
<i>De confessarij cura circa personam suam, ac primo de scientia confessarij.</i>	7
<i>De potestate confessarij.</i>	9
<i>De bonitate confessarij.</i>	10
<i>De prudentia Confessarij.</i>	ibid.
<i>De secreto vel Sigillo confessarij.</i>	12
<i>De Cura confessarij circa actus pœnitentiæ.</i>	13
<i>De his quæ præmittuntur confessioni.</i>	ibid.
<i>De interrogatione, qua suppletur discussio insufficiens pœnitentiæ.</i>	18
<i>De pœnitente iuvando ad contritionem habendâ.</i>	19
<i>Quomodo in satisfactione pœnitens iuuetur, &amp; de pœnitentijs iniungendis.</i>	21
<i>Quomodo cum his qui minori egent auxilio se habeat confessarius.</i>	24
<i>De triplici fructu vel fine huius sacramenti.</i>	25
<i>Quomodo pœnitens à confessario iuuetur ad emendationem vitæ.</i>	26
<i>Quædam contra recidivum.</i>	28
<i>Quomodo iuuetur pœnitens à confessario ad gratiæ augmentum.</i>	29
<i>De confessarij cura circa absolutionem.</i>	32
<i>De absolutione excommunicatorum, &amp; eorum qui interterij violaverunt.</i>	ibid.



# INDEX EORUM QVAE in Directorio continentur.

In appendices Directorij præfatio.	35
De duplici interrogatorio & eorum ordine ac ratione.	ibid.
Primum interrogatorium incipiens à primo præcepto.	36
Secundum interrogatorium breuius carmine comprehensum.	47
Quædam de statibus varijs, & primo de dominis temporalijs.	50
De Episcopis.	51
De peccatis iudicum, aduocatorum & procuratorum	52
De peccatis notariorum.	53
De matrimonio iunctis.	ibid.
De Sacerdotibus & alijs Clericis.	54
De Religiosis.	56
De Doctoribus.	ibid.
De Scholasticis.	57
De Mercatoribus & artificibus.	ibid.
De Medicis.	58
De Pueris.	59
De proprijs remedijs peccatorum, incipiendo à superbia discurrendo per singula.	ibid.
De remedijs vniuersalibus.	63
Quomodo his armis vincendum ad vitia superbia.	ibid.
De restitutione.	65
Quis debeat restituere.	ibid.
	Eni

# I N D E X

<i>Qui debeat fieri restitutio.</i>	67
<i>Quid deb. at restitui.</i>	68
<i>Quantum debeat restitui.</i>	72
<i>Ubi &amp; quando debeat restitui.</i>	ibid.
<i>De ordine &amp; modo in satisfactionibus tenendo.</i>	74
<i>De quibusdam, quæ faciunt ad cognitionem excommunicationis.</i>	76
<i>De effectibus excommunicationis.</i>	77
<i>De peccatis excommunicatorum.</i>	79
<i>De peccatis, quæ ab excommunicatione redundant in alios.</i>	80
<i>De casibus excommunicationis reservatis in bullæ cænæ Domini.</i>	81
<i>De alijs casibus excommunicationis.</i>	85
<i>De suspensione.</i>	96
<i>De interdico.</i>	97
<i>De cessatione à divinijs.</i>	98
<i>De irregularitate.</i>	99

F I N I S.

DIVI



## H I E R O N Y M I

## Ad Nepotianum,

De vita Clericorum, &amp; Sacerdotum

Epistola.

**R** E T I S à me Nepotiane charissimè  
 literis transmarinis, & crebrò peris, ut  
 tibi breui volumine digeram præce-  
 pta vinendi: & qua ratione, qui seculi  
 militia derelicta, vel monachus ceperit  
 esse vel clericus, rectum Christitramitem teneat,  
 ne ad diuersa vitiorum diuerticula rapiatur. Dum  
 essem adoleiscens, imò penè puer, & primos impe-  
 tus lasciuientis ætatis, eremi duritia refrenarem,  
 scripti ad auunculum tuum sanctum H. liodorum  
 exhortatoriam epistolam, plenam lachrymis que-  
 rimoniisque, & quæ deserti sodalis monstraret af-  
 fectum. Sed in illo opere pro ætate tunc lusimus:  
 & calentibus adhuc rhetorum studiis atque do-  
 ctrinis, quædã scholastico flore depinximus. Nunc  
 iam cano capite, & arata iugis fronte, & instar boui  
 pendentibus à mento palearibus, Frigidus obstitit  
 circum præcordia sanguis. Undè & in alio loco idẽ  
 poeta canit. Omnia fert ætas, animum quoque. Et  
 post modicum, Nunc oblita mihi tot carmina, vox  
 quoque Mœrum iam fugit ipsa. Quod ne de genti-  
 litantum literatura proferre videamur, diuinorũ  
 voluminum sacramenta cognosce. David annos  
 natus septuaginta, bellicolus quondã vir, senectute  
 frigescens.

frigescente, non poterat calefieri. Quæritur itaque puella de vniuersis filiabus Israel Abisag Sunamitis, quæ cum rege dormiret, & senile corpus calefaceret. Nõne tibi videtur, si occidentem sequaris iteram vel figmentum esse de Mimo, vel Atellanarum ludicro? *Post pauca.* Quæ est igitur ista Sunamitis, vxor & virgo: tam feruens, vt frigidum calefaceret: tam sancta, vt calentem ad libidinem nõ prouocaret? Exponat sapientissimus Salomon patris sui delitias, & pacificus bellatoris viri narret amplexus. Posside sapientiam, posside intelligentiam. Ne obliuiscaris, & ne declinaueris à verbis oris mei. Neque derelinquas illam, & apprehendet te, ama illam, & seruabit te. Principiũ sapientiæ, posside sapientiam: & in omni possessione tua posside intelligentiam: circunda illam & exaltabit te, honora illam, & amplexabitur te, vt det capiti tuo coronam gratiarum. Corona quoq; delictarũ proteget te. Omnes penè virtutes corporis mutantur in senibus: & crescẽte sola sapientia, decrescunt ceteræ virtutes, ieiunia, vigiliæ, & eleemosynæ, shameuniæ, huc illucq; discursus, peregrinorũ susceptio, defensio pauperũ, instantia orationum, perseuerantia, visitatio languentium, labor manuum, vnde præbeantur eleemosynæ. Et ne sermonem longius protraham, cuncta quæ per corpus exercentur, fracto corpore minora sũt. *Paulò post.* Quorsum hæc tam longo repetita principio? Ne à me quæras pueriles declamationes, sententiarũ flosculos, verborum lenocinia, & per fines capitulorum singulorum acuta quædam breuiterque

## AD NEPOTIANVM.

conclusa, quæ plausus & clamores excitent audi-  
tium. Amplexetur me modò sapientia, & Abisag  
nostra, quæ nunquam senescit, in meo requiescat  
sinu. Impolluta est, virginitatisque perpetua, &  
quæ in similitudinem Mariæ, cùm quotidie gene-  
ret semperque parturiat, incorrupta est. Hinc reor  
dixisse & Apostolum: Spiritu feruentes. Et in Euā-  
gelio Dominum prædicasse, quòd in fine mundi,  
quando iuxta Prophetam Zachariam, stultus pa-  
stor esse cœperit, sapientia decrescante, refrigescet  
charitas multorum. Audi igitur, vt beatus Cypria-  
nus ait: non diserta, sed fortia. Audi fratrem colle-  
gio, patrem senio, qui te ab incunabulis fidei, vsque  
ad perfectam ducat ætatem, & per singulos gradus  
viuendi præcepta constituens, in te cæteros eru-  
diat. Scio quidem ab auunculo tuo beato Helio-  
doro, qui nunc Pontifex Christi est, te & didicisse  
quæ sancta sunt, & quotidie discere, normamque  
vitæ eius, exemplum habere virtutum. Sed & no-  
stra qualiacunque sunt suscipe, & libellum hunc  
libello illius copulato, vt cum ille te monachum  
erudierit, hic Clericum doceat esse perfectū. Igitur  
Clericus qui Christi seruit Ecclesiæ, interpretetur  
primò vocabulum suum, & nominis definitione  
prolata, nitatur esse quòd dicitur. Si enim cleros  
Græcè, fors Latinè appellatur, propterea vocantur  
Clerici, vel quia de sorte sunt Domini, vel quia  
ipse Dominus fors, id est, pars Clericorum est.  
Qui autem vel ipse pars Domini est, vel Dominū  
partem habet, talem se exhibere debet, vt & ipse  
possideat Dominum, & possideatur à Domino.

**Q**ui Dominum possidet, & cum Propheta dicitur  
 pars mea Dominus; nihil extra Dominum habere  
 potest. Quid si quippiam aliud habuerit præter  
 Dominum, pars eius non erit Dominus. Verbi  
 gratia: Si autem, si argentum, si possessiones, si va-  
 riam suppellectilem: cum istis partibus Dominus  
 pars eius fieri non dignabitur. Si autem ego pars  
 Domini sum, & funiculus hereditatis eius, nec ac-  
 cipio partem inter ceteras tribus, sed quasi Levita  
 & sacerdos viuo de decimis: & altari seruens, alta-  
 ris oblatione sustentor, habens victum & vestitum,  
 his contentus ero: & nudam crucem nudus sequar.  
 Obsecro itaque te, & repetens iterumq; iterumque  
 monebo, ne officium clericatus genus antiquæ mi-  
 litæ putes, id est, ne lucra seculi in Christi quæras  
 militia, ne plus habeas quam quando clericus esse  
 coepisti, & datur tibi. Clerici enim non proderunt  
 eis. Nonnulli enim sunt ditiores monachi, quam  
 fuerant seculares; & clerici qui possideant opes sub  
 Christo pauperes, quas sub locuplete & fallace dia-  
 bolo non habuerant, ut suscipere eos Ecclesia diui-  
 tes; quos nunquam tenuit ante mendicos. Mensu-  
 lam tuam pauperes & peregrini, & cum illis Christus  
 conuiui non rit. Negociatorem clericum, & ex in-  
 ope diuertem, ex ignobili gloriosum, quasi quandam  
 pestem fuge. Corrumpunt mores bonos contabu-  
 lationes pessime. Tu aurum cõtemnis, alius diligit;  
 tu calcas opes, illi sectatur: tibi cordi est silentium,  
 mansuetudo, secretum: illi verboritas, attrita frons,  
 cui nundina, fœra placent, et plateæ, ac medicorum  
 tabernæ. *In tanta morum discordia, quæ potest*  
esse.

# AD NEPOTIANVM.

esse concordia? Hospitiolum tuum, aut rard, aut nunquam mulierum pedes tetarit. Omnes puellas & virgines Christi, aut æqualiter ignora, aut æqualiter dilige. Ne sub eodem tecto mansites: nec im- præterita castitate cõfidas. Nec sanctior David, nec Salomone potes esse sapientior. Memento semper quodd Paradyfi colonum de possessione sua mulier eiecerit. Aegrotanti tibi quilibet sanctus frater as- sistat, & germana, vel mater, aut probate quælibet apud omnes fidei. Quodd si huiuscemodi non fue- rint consanguinitatis castimonia; personæ, mul- tas anus nutrit Ecclesia, quæ & officium præbeant, & beneficium accipiant ministrando, vt infirmi- tas quoque tua fructum habeat elemosynæ. Scio quosdam conualuisse corpore, & animo ægrotare- coepisse. Periculose tibi ministrat, cuius vultum frequenter attendis: si propter officium clericatus aut vidua à te visitatur, aut virgo, nunquam domum solus introeas. Tales habeto socios, quorum contu- bernio non infameris. Si lector, si acolytus, si psal- tes te sequitur, non ornentur veste, sed moribus: nec calamistro crispent comas, sed pudicitiam habitu polliceantur. Solus cum sola, secretò & abique arbitro, vel teste, non sed eas: si familiarior est aliquid loquendum; habet nutricem maiorem domus, virginem, viduam, vel maritatum: non est tam inhumana, vt nullum præter te habeat, cui se audeat credere. Caueto omnes suspiciones, & quicquid probabiliter fingi potest, ne fingatur, ante deuta. Crebra munuscula, & sudariola, & fasciolas, & vestes ori applicitas, ac degustatos

Mos, blandasque & dulces literulas, sanctus amor  
 non habet. Mel meum, lumen meum, meum desi-  
 rium, omnes delitias, & lepores, & risu dignas vr-  
 banitates, & ceteras ineptias amatorum, in comœ-  
 dijs erubescimus, in seculi hominibus detestamur;  
 quantò magis in monachis et in clericis, quorum  
 & sacerdotium proposito, & propositum orna-  
 tur sacerdotio? Nec hoc dico, quòd aut in te, aut in  
 sanctis viris ista formidem, sed quòd in omni pro-  
 posito, in omni gradu & sexu, & boni & mali re-  
 periantur, malorumque condemnatio, laus bo-  
 norum sit. Pudet dicere, Sacerdotes idolorum,  
 Mimæ, & aurigæ, & scorta hæreditates capiunt:  
 solis clericis & monachis prohibetur, non à per-  
 sequutoribus, sed à principibus Christianis.  
 Nec de lege conqueror, sed doleo cur meruerimus  
 hanc legem. Cauterium bonum est, sed quo mihi  
 vulnus, vt indigeam cauterio? Prouida seueraque  
 legis cautio, & tamen nec sic refrenatur auaritia.  
 Per fidei commissæ legib⁹ illudimus, et quasi maio-  
 ra sint Imperatorum scita, quam Christi, leges ti-  
 memus, euangelia cõtemnimus. Sit hæres, sed ma-  
 ter filiorum, i. gregis sui Ecclesia, quæ illos genuit,  
 nutriuit, & pauit. Quid nos inserimus inter matrē  
 & liberos? Gloria episcopi est, pauperum opibus  
 providere. Ignominia omnium sacerdotũ est, pro-  
 prijs studere diuitijs. Natus in paupere domo et tu-  
 gurio rusticano, qui vix milio & cibario pane ru-  
 gientem saturare ventrem poteram, nunc simillam  
 & mella fastidio. Noui & genera et nomina pisciũ,  
 in quo litore concha, lecta sit calleo: saporibus



## A D N E P O T I A N V M

quum discerno provincias, & ciborum meritas, ac nouissimè damna ipsa delectât. Audio præterea in senes, & anus absque liberis, quorundam turpe seruitium, ipsi apponunt matulam, obsident lectum, purulentiam, stomachi et phlegmata pulmonis, manu propriâ suscipiunt: pauent ad introitû medici, tremantibusque labijs an commodius habeant, sciscitantur, & si paululum senex vegetior fuerit, periclitantur: simulataq; lætitia, mens intrinsecus auara torquetur. Timent enim, ne perdant ministerium: & viuacem senem, Mathusalem annis comparant. O quanta apud Deum merces, si in præsentî precium non sperarent. Quantis sudoribus hæreditas cassa expetitur? Minore labore margaritum Christi emi poterat. Diuinas scripturas sæpius lege, imò de manibus tuis nunquam sacra lectio deponatur. Disce quod doceas: obtine eum qui secundum doctrinam est fidelem sermonem, vt possis exhortari in doctrina sana, & contradicentes reuincere. Permane in his quæ didicisti, & credita sunt tibi, sciens à quo didiceris: paratus semper ad satisfactionem, omni poscenti te rationem, de ea quæ in te est spe. Nō confundant opera tua sermonem tuum: ne cum in Ecclesia loqueris, tacitus quilibet respondeat, cur ergo hæc quæ dicis, ipse non facis? Delicatus magister est, qui pleno ventre de ieiunijs disputat. Accusare auaritiam & latro potest. Sacerdotis Christi os, mens manusque concordent. Esto subiectus Pontifici tuo, & quasi animæ parentem suspice. Amare filium, timere seruorum est. Si patet sum, inquit, ubi

est honor meus? Si Dominus ego sum, vbi est timor meus? Plura tibi in eodem viro obseruanda sunt nomina: Monachus, Pontifex, auunculus tuus, qui te iam in omnibus, quæ sancta sunt, docuit. Illud etiam dico; quodd' Episcopi sacerdotes se esse nouerint, nō dominos: honorent clericos quasi clericos, et & ipsis à clericis, quasi Episcopis honor deferatur. Scitū illud est oratoris Domitij. Cur ego te, inquit, habeam vt principem, cū tu me non habearis vt Senatorem? Quod Aaron & filios eius, hoc Episcopum & presbyteros esse nouerimus: Vnus Dominus, vnum templum, vnum sit etiam ministerium. Recordemur semper, quid Apostolus Petrus, præcipiat sacerdotibus: Pascite eum qui in vobis est gregem Domini, prouidentes non coactè, sed spontaneè secundum Deum, neque turpis lucra gratia, sed voluntariè, neq; vt dominātes in clerum, sed forma facti gregis ex animo, vt cū apparuerit princeps pastorum, percipiat immarcescibile gloriæ coronam. Pessimæ consuetudinis est in quibusdam Ecclesiis, tacere presbyteros, & præsentibus Episcopis non loqui, quasi aut inuideant, aut non dignentur audire. Etsi alij, inquit Apostolus Paulus, fuerit reuelatum sedenti, prior taceat. Potest enim per singulos prophetare, vt omnes discant, & omnes consolentur & spiritus prophetarum, Prophetis sit dictus est. Nō enim dissentionis Deus, sed pacis. Gloria patris est filius sapiens. Gudeat Episcopus iudicio suo, cū tales Christo eegerit sacerdotes. Docente te in Ecclesia, non clamor populi, sed

## AD NEPOTIANVM.

Sed gemitus suscitetur. Lachrymæ auditorum, laudes tuæ sint. Sermo presbyteri, scripturarū lectione conditus sit. Nolo te declamatorem esse, & rebus garrulumq; fineratione, sed mysteriorum petitū, & Sacramentorum Dei tui eruditissimum. Verba voluere, et celeritate dicendi apud impentum vulgus admirationem tui facere, indoctorum hominū est. At trita frons interpretatur sæpe, quod nescit, et cum alijs persuaserit, sibi quoq; usurpar scientiam. Præceptor quondam meus Gregorius Nazianzenus, rogatus à m., ut exponeret, quid sibi vellet in Luca sabbatum *Δευτερόμωσον*, eleganter luit: docebo te, inquit, tuq; et hac re in Ecclesia: in qua mihi omni populo acclamante, cogeris inuitus scire, quod nescis. Aut certe si solus racueris, solus ab omnibus stultitiæ condemnaberis. Nihil tam facile, quam videri plebeculam, & indoctam concionem, linguæ volubilitate decipere, quæ quicquid non intelligit, plus miratur. M. Tullius, in quem pulcherimum illud elogium est: Demosthenes tibi præcipuit, ne essēs primus orator: tu illi, ne solus, in oratione pro Q. Gallo, quid de favore vulgi, & de imperitis concionatoribus loquatur, attende, ne his fraudibus ludaris. Loquor enim, quæ sum ipse nuper expertus. Vnus quidam Poëta nominatus, homo perliteratus, cuius sunt illa colloquia poëtarum ac Philosophorum, cum facit Euripidem & Menandrum inter se, & alio loco Socratē atq; Epicurum disserentes, quorum ætates nō annis, sed seculis scimus

esse disiunctas, quantos is plausus & clamores mouet? Multos enim condiscipulos habet in theatro, qui simul literas non didicerant. Vestes pullas equè deuita, vt candidas. Ornatus, et sordes, pari modo fugienda sunt, quia alterum delitias, alterum gloriam redolet. Non absque amictu lineo incedere, sed precium vestium linearum non habere, laudabile est. Alioquin ridiculum & plenum dedecoris est, referto marsupio, quod ludarium orarium, què nō habeas, gloriari. Sunt qui pauperibus paulum tribuunt, vt amplius accipiāt, & sub prætextu eleemosynæ quærunt diuitias, quæ magis venatio appellanda est, quàm eleemosynæ genus. Sic bestiæ, sic aues, sic capiuntur & pisces. Modica in hamo esca ponitur, vt matronarum in eo sacculi protrahantur. Sciat Episcopus, cui cōmissa est Ecclesia, quem dispensationi pauperum curæque præficiat. Melius est non habere quod tribuam, quàm impudenter petere quod recondam. Sed & genus arrogantia est, clementiorem te velle videri, quàm Pontifex Christi est. Non omnia possumus omnes. Alius in Ecclesia oculus est, alius lingua, alius manus, alius pes, auris, venter, &c. Lege Pauli epistolā ad Corinthios, quomodo diuersa membra vnum corpus efficiunt. Nec rusticus tamen & simplex frater ideo se sanctum putet, si nihil nouerit: nec peritus & eloquens, lingua æstimet sanctitatem. Multoque melius est, è duobus imperfectis rusticitatem sanctam habere, quàm eloquentiam peccatricem. Multi ædificant parietes, & columnas Ecclesiæ substruunt, marmora nitent, auro splendent laquearia.

qutaria, gemis altare distinguitur, & ministrorum Christi nulla electio est. Neque verò mihi aliquis opponat, diues in ludæa templum, mensam, lucernas, thuribula, patellas, schyphos, mortariola, et cetera ex auro fabrefacta. Tunc hæc probabantur à Domino, quando sacerdotes hostias immolabant, & sanguis pecudū erat redēptio peccatorū. Quāquam hæc omnia præcesserint in figura: Scripta sunt autem propter nos, in quos fines seculorum peruenerūt. Nunc verò cū paupertatem domus suæ pauper Dominus dedicarit, cogitemus crucem eius, & diuitias lutum putabimus. Quid miramur, quod Christus vocat iniquum mammona? Quid suspicimus & amamus, quod Petrus se non habere, gloriose testatur? Alioquin si tantū litteram sequimur, & in auro atq; diuitijs simplex nos delectat historia, cum auro obseruemus & cetera. Ducant Pontifices Christi vxores virgines: Quāuis bonæ mentis sit, qui cicatricem habuerit, & deformis est, priuetur sacerdotio: lepra corporis, animæ vitijs præferatur: Crescamus & multiplicemur, et repleamus terram, nec immolemus agnum, nec mysticum pascha celebremus, quia hæc absque templo fieri, lege prohibentur. Figamus septimo mense tabernaculum, & solenne ieiunium buccina cōcrepemus. Quod si hæc omnia spiritualibus spiritualia comparantes, scientesq; cū Paulo, quod lex spiritualis est, & David verba cantantes: Reuela oculos meos, & considerabo mirabilia de lege tua: sic intelligimus, vt Dominus quoque noster intellexit, & interpretatus est sabbatum: aut

aurum repudiemus cum cæteris superstitionibus  
 Iudæorum: aut si aurum placet, placeant & Iudæi,  
 quoscumque aut probare nobis necesse est, aut  
 damnare. Continua tibi vitanda sunt secularium,  
 & maximè eorum, qui honoribus tument. Turpe  
 est ante fores sacerdotis Christi crucifixi & paupe-  
 ris, qui cibo quoque vesceretur alieno, lectores con-  
 sulum & milites excubare: iudicemque provincie  
 melius apud te prandere, quàm in palacio. Quòd  
 si obtenderis te facere hæc, vt roges promissis at-  
 que subiectis: Iudex sæculi plus deferet clerico con-  
 tinenti, quam diuiti: magis sanctitatem tuam ve-  
 nerabitur, quàm opes. Aut si talis est, qui non au-  
 diat clericos pro quibuslibet tribulatis, nisi inter  
 phialas, libenter carebo huiusmodi beneficio, &  
 Christum rogabo pro Iudice: qui magis & citius  
 subuenire potest, quam iudex: Melius enim est cõ-  
 fidere in Domino, quam confidere in homine. Me-  
 lius est sperare in Domino, quàm sperare in prin-  
 cipibus. Nunquam vinũ te soleas, ne audias illud  
 philosophi: Hoc non est osculum porrigere, sed vi-  
 num propinare. Vinolentos sacerdotes & Aposto-  
 lus damnat, & vetus lex prohibet: Qui altario de-  
 seruiunt, vinum & siceram non bibant. Siceta, He-  
 breo sermone, omnis potio nuncupatur, quæ ine-  
 briare potest, siue illa quæ frumento conficitur,  
 siue pomorum succo, aut cum faui decoquantur  
 in dulcem & barbaram potionem, aut palmarum  
 fructus exprimuntur in liquorem, coctisquæ fru-  
 gibus, aqua pinguior coloratur. Quicquid ine-  
 briat, & statum mentis euertit, fuge similiter vt vi-

rum. Nec hoc dico, quòd Dei à nobis creatura  
damnetur (Siquidem & Dominus vni potator est  
appellatus: & Timotheo dolenti stomachum,  
modica vini sorbitio relaxata est) sed modum pro  
ætatis, & valetudinis, & corporum qualitate exi-  
gimus in potando. Quòd si absq; vino ardeo ado-  
lescentia, & inflammor calore sanguinis, & succu-  
lento validoque sum corpore, libenter carebo po-  
culo, in quo suspitio veneni est. Pulchre dicitur  
apud Græcos, & nescio an apud nos aq̃e resonet:  
Pinguis venter non gignit mentem tenuem. Tan-  
tum tibi modum ieiuniorum impone, quantum  
ferre potes. Sint tibi pura, casta, simplicia, modera-  
ta, & non superstitiosa ieiunia. Quid prodest oleo  
non vesci, & molestias quidam difficultatesq̃ue  
ciborum quærere, carycas, piper, nuce, palmarum  
fructus, similan, mel, pistacia? Tota hortorū cul-  
tura vexatur, vt cibatio non vescatur pane, & dum  
delicias sectamur, à regno cœlorum trahimur. Au-  
dio præterea quosdam contra rerū hominumq; na-  
turā, aquā non bibere, nec vesci pane, sed sorbitu-  
culas delicatas, & contrita olera, betarūq; succum,  
nō calice sorbere, sed concha. Proh pudor, non eru-  
bescimus istiusmodi ineptijs, nec tedet superstitio-  
nis? Insuper etiam famā abstinentiū in delicijs que-  
rimus. Fortissimum ieiuniū est, aqua & panis. Sed  
quia gloriam non habet, & omnes pane & aqua  
viuimus, quasi publicum & commune ieiunium  
nō putatur. Caue ne hominū rumusculos aucupe-  
ris, ne offensam Dei populorū laude cōmutes. Si ad  
huc, inquit Apost. hoībus placerem, Christi seruus,

non essem. Desijt placere hominibus, & seruus factus est Christi. Per bonam famam & malam, à dextris & à sinistris, Christi miles graditur, nec laude extollitur, nec vituperatione frangitur. Non diuitijs tumet, non contrahitur paupertate, & lata contemnit & tristia. Per diem sol non vrit eū, neque luna per noctem. Nolo te orare in angulis platearum, ne rectum iter precum tuarum, frangat aura popularis. Nolo te dilatare fimbrias, & ostentui habere phylacteria, & conscientia repugnante, pharisaica ambitione circūdari. Quantò melius erat, hæc non in corpore, sed in corde gestare, & Deum habere fautorem, non aspectus hominum? Inde pendet Euangelium, inde lex & prophetæ, siue sacra & Apostolica doctrina. Melius est enim hæc omnia in mente portare, quàm in corpore. Fidelis mecum lector intelligis, quid taceam, & quid magis tacendo loquar. Tot te regulæ, quot species gloriarum percurrant. Vis scire quales Dominus querat ornatus? Habeto prudentiam, iustitiam, temperantiam, fortitudinem. His coeli plagis includere, hæc te quadriga, velut aurigam Christi ad metam concita ferat. Nihil hoc monili preciosius, nihil hac gemmarū varietate distinctius. Ex omni parte decoraris, cingeris, atq; protegeris: & ornamento tibi sunt & tutamini: gemmæ vertuntur in scuta. Caue quoque ne aut linguam, aut aures habeas prurientes. i. ne aut ipse alijs detrahas, aut alios audias detrahentes. Sedens, inquit, aduersus fratrem tuū loquebaris, & aduersus filium matris tuę ponebas scandalum: hæc fecisti & tacui. Existima-

masi



# AD NEPOTIANVM.

maſti iniquè, quod ero tui ſimilis: arguam te & ſtatuam contra faciem tuam. Parce ꝑ detractiõẽ linguæ, cuſtodi ſermones tuos: & ſceto, quia per cuncta, quæ de alijs loqueris, tua conſcientia iudicaris, & in his ipſe deprehenderis, quæ in alijs arguebas. Neq; verò illa iuſta eſt excuſatio: Referentibus alijs iniuriam facere non poſſum. Nemo inuito auditori libenter refert. Sagitta in lapidem nunquam figitur, interdum reſiliens percutit dirigentem. Diſcat detractor, dum te videt non libenter audire, non facilè detrahere. Cum detractoribꝰ ait Salomon, ne miſcearis: quoniam repente veniet perditio eorum, & ruinam vtriuſque quis nouit? tam videlicet eius qui detrahit, quàm illius qui aurem accommodat detrahenti. Officij tui eſt viſitare languentes: noſſe domos matronarum, ac liberos earum, & nobilium virorum cuſtodire ſecreta. Officij tui eſt, non ſolum oculos caſtos ſeruare, ſed & linguam. Nunquam de formis mulierum diſputes, nec, quid agatur in alia, domus alia per te nouerit. Hippocrates adiurat diſcipulos ſuos antequam doceat, & in verba ſua iurare compellit: extorquet ſacramẽto ſilentium: ſermonem, inceſſum, habitum, moreſq; præſcribit. Quantò magis nos quibus animarum cura commiſa eſt, omnium Chriſtianorum domos debemus amare, quaſi proprias? Conſolutores potius nos in niceroribus ſuis, quàm conuiuas in proſperis nouerint. Facile contemnitur clericus, qui ſæpe vocatus ad prandium, non recuſat. Nunquam petentes, raro accipiamus rogati, Beatius eſt enim magis dare, quàm accipere.

Nicſio

Nescio quo enim modo etiam ipse qui deprecatur  
 ut tribuat, cum acceperis, viliores te iudicat et mi-  
 rum in modum, si eum rogantem contempseris,  
 plus te posterius veneratur. Predicator continen-  
 tiae, nuptias ne conciliet. Qui Apostolum legit, su-  
 perest ut qui habent uxores, sic sint, quasi non ha-  
 beant, cur virginem cogit ut nubat? Qui de mono-  
 gamia sacerdos est, quare viduam hortatur ut digi-  
 ma sit? Procuratores & dispensatores domorum  
 alienarum atque villarum, quomodo possunt esse  
 clerici, qui proprias iubentur contemnere faculta-  
 tes? Amico quippiam rapere, furtum est. Ecclesiam  
 fraudare, sacrilegium est: accepisse quod paupe-  
 ribus erogandum sit, & esurientibus plurimis, vel  
 cautum esse velle, vel timidum, aut, quod apertis-  
 simi scelens est, aliquid inde subtrahere, omnium  
 praedonum crudelitatem superat. Ego fame tor-  
 queor, & tu iudicas quantum ventri meo satis sit.  
 Aut diuide statim quod acceperis: aut si timidus  
 dispensator es, dimitte largitorē, ut sua ipse distri-  
 buat. Nolo sub occasione mea sacculus tuus ple-  
 nus sit. Nemo me melius mea seruare potest. Opti-  
 mus dispensator est, qui sibi nihil reſeruatur. Coegisti  
 me Nepotiane charissime, lapidato iam virginita-  
 tis libello, quem sancte Eustochio Romae scripseram,  
 post annos decem rursus Bethleem ora referare,  
 & contodiendum me linguis omnium prodere.  
 Aut enim nihil scribendum fuit, ne hominum iu-  
 dicium subiremus, quod tu facere prohibuisti: aut  
 scribentes non cunctorum aduerſum nos maledi-  
 corum

## AD NEPOTIANVM.

eorum tela torquenda. Quos obsecro, ut quiescant,  
& desinant maledicere. Non enim ut aduersarijs,  
sed ut amicis scripsimus. Nec inuecti sumus in eos,  
qui peccāt, sed ne peccent monuimus. Neq; in illos  
tantum, sed in nos ipsos sciri iudices fuimus. Vo-  
lentesq; testificam de oculo alterius tollere, nostram  
primum trabem eiecimus. Nullum læsi, nullius  
nomen mea scriptura designatum est. Nemi-  
nem specialiter meus sermo pulsauit. Ge-  
neralis de vitijs disputatio est. Qui  
mihi irasci voluerit, ipse de se,  
quod talis sit, confi-  
tebitur.

FINIS.

D I L I N G E

*Excudebat SEBALDVS MAYER*



00/01 1894R



# Bibliothèque des Fontaines

445.492

155

